

Ա-70

ՀՀ գիտութեամբնաբանութեան և տեխնալոգիաների
արեւելաբանութեան ինստիտուտ

ԱՐՄԵՆ ՀՈԿՀԱՆՆԵՄԻ ԱՌԱՔԵԼՅԱՆ

ՀԱՅԵՐԸ ՖԱԹԻՄՅԱՆ ԵԳԻՊՏՈՍԻ ՊԵՏԱԿԱՆ ՀԱՄԱԿԱՐԳՈՒՄ
/XI-XII ԴԴ./

Է.00.02 «ՀԱՄԱՇԽԱՐՀԱՅԻՆ ՊԱՏՄՈՒԹՅՈՒՆ» մասնագիտութեամբ
պատմական գիտութեամբնաբանութեան թեկնածուի գիտական
աստիճանի հայցման ատենախոսութեան

ՍԵՂԱՄԱԳԻՐ

ԵՐԵՎԱՆ 2010

07-2

Ատենախոսության թեման հաստատվել է ՀՀ ԳԱԱ Արևելագիտության
ինստիտուտում

Գիտական ղեկավար՝

ՀՀ ԳԱԱ թղթակից անդամ, պ.գ.դ.,
պրոֆ. Ն. Հ. Հովհաննիսյան

Պաշտոնական ընդդիմախոսներ՝

պատմական գիտությունների դոկտոր
Ա.Ա. Բոգոյան

պատմական գիտությունների թեկնածու
Վ.Ա. Տեր-Ղևոնդյան

Առաջատար կազմակերպություն՝

Խ. Աբովյանի անվան Պետական
Մանկավարժական Համալսարան

Պաշտպանությունը կայանալու է՝ 2010թ. մայիսի 24-ին, ժ. 13.00-ին ՀՀ ԳԱԱ
Արևելագիտության ինստիտուտում գործող ԲՈՀ-ի 006 մասնագիտական խորհրդում
/հասցե՝ 375019, Երևան, Մարշալ Բաղրամյան պող., 24 գ/:

Ատենախոսությանը կարելի է ծանոթանալ ՀՀ ԳԱԱ Արևելագիտության ինստիտուտի
գրադարանում:

Սեղմագիրն առաքված է 2010թ. ապրիլի 22-ին:

Մասնագիտական խորհրդի
գիտական քարտուղար՝

պ.գ.թ. Ռ. Ղազարյան

ԱՌԱՋԱԲԱՆ

1. ԹԵՄԱՅԻ ԱՐԴԻԱԿԱՆՈՒԹՅՈՒՆԸ

Ֆաթիմյան Եգիպտոսում /969-1171թթ./ հայ վազիրների շուրջ հարյուրամյա
կառավարման ժամանակահատվածը /1074-1162թթ./ պատմության մեջ մտել է
որպես Եգիպտոսի «հայկական դարաշրջան»: Այդ յուրահատուկ պատմական
դարաշրջանի ուսումնասիրությունն ունի թե՛ կարևոր գիտական, և թե՛ քաղաքական
ու գործնական նշանակություն՝ միջնադարյան Եգիպտոսի և, հատկապես, հայ-
արաբական բազմադարյան հարաբերությունների պատմության հետազոտման
տեսանկյունից: Հայ վազիրները Ֆաթիմյան պետությունը սկսեցին կառավարել
Մուսթանսիր խալիֆայի /1036-1094թթ./ գահակալությունից ի վեր: Նրանց շարքում
հատկապես աչքի ընկան իսլամ ընդունած Բադր Ալ-Գամալի Ալ-Արմանին /1074-
1094թթ./ և քրիստոնյա Բահրամ Ալ-Արմանին /1135-1137թթ./ Վահրամ
Պահլավունին: Վերջինիս լիազոր-վազիր նշանակելով՝ Ֆաթիմյան խալիֆաները
շրջանցեցին իսլամական իրավագիտությամբ ամրագրված այն սկզբունքը,
համաձայն որի պետական բարձրաստիճան պաշտոնյաները պետք է լինեին
իսլամադավան:

Ֆաթիմյան Եգիպտոսում հայ վազիրների կառավարման շրջանի
ուսումնասիրությամբ ավելի տեսանելի է դառնում հայկական տարրի ծանրակշիռ
դերակատարությունը, բացահայտվում են հայկական ռազմաքաղաքական
ավանդույթների և մշակույթի ազդեցության առանձնահատկությունները
միջնադարյան իսլամական հասարակության մեջ:

Հայ-արաբական, մասնավորապես՝ հայ-եգիպտական միջնադարյան
հարաբերություններն անհնար է ճիշտ ըմբռնել առանց Ֆաթիմյան խալիֆայության
պետական համակարգում հայ վազիրների գործունեության համապարփակ և
բազմակողմանի լուսաբանման: Պատահական չէ, որ ուսումնասիրվող շրջանը,
իրավամբ, համարվում է նաև Եգիպտոսի գաղթաբանական ամենաբերուն
ժամանակահատվածներից մեկը: Հայագի վազիրները ծանրակշիռ դեր խաղացին
մի կողմից Ֆաթիմյան Եգիպտոսի քաղաքական և տնտեսական անկումը
կասեցնելու, իսկ մյուս կողմից հայրենիքից արտագաղթած հայերի անվտանգությունն
ապահովելու և իսլամական պետության մեջ նրանց /որպես էթնոգավանական
փոքրամասնություն՝ ահլ ալ-գիմմի/ ներգրավելու հարցում:

Թեմայի արդիականությունն անմիջականորեն պայմանավորված է նաև
միջինարևելյան տարածաշրջանում Հայաստանի Հանրապետության կարևոր
գործընկերներից մեկի՝ Եգիպտոսի Արաբական Հանրապետության միջնադարյան
պատմության, տվյալ դեպքում՝ Ֆաթիմյան պետության սոցիալ-տնտեսական
հարաբերությունների, ինչպես նաև ներքին և արտաքին քաղաքական
գործընթացների ուսումնասիրության կարևորությամբ:

2. ԱՇԽԱՏԱՆՔԻ ՆՊԱՏԱԿՆԵՐՆ ՈՒ ԽՆԴԻՐՆԵՐԸ

Ատենախոսության թեման ընտրվել է Ֆաթիմյան Եգիպտոսում /969-1171թթ./
հայ վազիրների կառավարման գրեթե հարյուրամյա շրջանի՝ 1074-1162թթ.
ուսումնասիրության, երկրի կառավարման համակարգում նրանց խաղացած դերի,
գործունեության առանձնահատկությունների, ինչպես նաև հայ վազիրների
իշխանության շրջանում Եգիպտոսի գաղթաբանական ամբողջական հետազոտումից
ելնելով, որին հասնելու համար հեղինակն իր առջև դրել է հետևյալ խնդիրները.

- Գոյություն ունեցող սկզբնաղբյուրների և գիտական գրականության ուսումնասիրության հիման վրա ներկայացնել Եգիպտոսում Ֆաթիմյան խալիֆայության հաստատման ընթացքը:
- Դիտարկել Ֆաթիմյան Եգիպտոսում հայ վազիրների ինստիտուտի ձևավորման գործընթացը, և բացահայտել այդ ինքնատիպ երևույթի քաղաքական և սոցիալական պատճառները:
- Հետազոտել Բադր Ալ-Գամալի Ալ-Արմանիի /1074-1094թթ./ Ֆաթիմյան առաջին հայ վազիրի, ինչպես նաև նրա որդու՝ Աֆդալ Շահնշահի իբն Բադր Ալ-Գամալիի /1094-1121թթ./ գործունեությունը, քննության ենթարկել նրանց դերակատարումը Ֆաթիմյան պետության դիրքերի ամրապնդման և հզորացման գործում:
- Ուսումնասիրել 1122-1135թթ. Ֆաթիմյան խալիֆայության հայ վազիրներ Մուզաֆֆար իբն Բադր Ալ-Գամալիի, Ահմադ իբն Ալ-Աֆդալի /Աբու Ալի Քութայֆայթ/, Յանիս Ալ-Արմանիի կառավարման շրջանը:
- Դիտարկել հայ-առաքելական լիազոր-վազիր Վահրամ Պահլավունու կառավարման շրջանը /1135-1137թթ./ և դրա առանձնահատկությունները:
- Քննարկել վազիրներ Թալաի իբն Ռուզգիք Ալ-Արմանիի /1154-1161թթ./ և Ռուզգիք իբն Թալաիի /1161-1162թթ./ /Աբու Շուջաա Բադր Ադ-Դին/ սոցիալ-քաղաքական և մշակութային գործունեությունը:
- Հետազոտել հայ վազիրների ինստիտուտի և Ֆաթիմյան խալիֆայության անկման գործընթացը և դրան նպաստած գործոնները:
- Ներկայացնել եգիպտահայ գաղթօջախի սոցիալ-քաղաքական և մշակութային ընդհանուր իրավիճակը՝ հայ վազիրների կառավարման շրջանում:
- Դիտարկել Ֆաթիմյան խալիֆայության շրջանում հայկական եկեղեցիների ու վանքերի վիճակը՝ ընդհանուր գծերով ներկայացնելով նաև մշակած ժամանակահատվածում Եգիպտոսում Հայ առաքելական եկեղեցու ծավալած գործունեությունը:
- Ֆաթիմյան Եգիպտոսի օրինակով լուսաբանել հայկական տարրի դերակատարությունը միջնադարյան իսլամական հասարակությունում:

3. ԱՇԽԱՏԱՆՔԻ ԳԻՏԱԿԱՆ ՆՈՐՈՒՅԹԸ

Ատենախոսության թեման՝ «Հայերը Ֆաթիմյան Եգիպտոսի պետական համակարգում /XI-XII դդ./», ընդհանուր առմամբ, դեռևս չի դարձել առանձին ուսումնասիրության առարկա: Ֆաթիմյան շրջանի մի քանի հայ գործիչների, մասնավորապես՝ Բադր Ալ-Գամալիի և Վահրամ Պահլավունու գործունեության որոշ ասպեկտներ քննարկվել են հայ /այդ թվում նաև՝ սփյուռքահայ/ և օտարազգի հետազոտողների աշխատություններում, սակայն ուսումնասիրվող ժամանակաշրջանում Եգիպտոսի միջնադարյան պատմության՝ մասնավորապես Ֆաթիմյան հարստության շրջանում հայ վազիրների գործունեության և երկրի ռազմաքաղաքական, հասարակական և մշակութային կյանքում նրանց դերակատարմանը վերաբերող ամբողջական ուսումնասիրություն առանձին աշխատանքով դեռևս չի կատարվել:

Ներկա աշխատությունն իր բովանդակությամբ և հարցադրումներով հայրենական արևելագիտության մեջ առաջին ուսումնասիրությունն է, որտեղ արաբական աղբյուրների և այլ գրականության լայն օգտագործմամբ փորձ է արվում համակողմանիորեն վերլուծել Ֆաթիմյան խալիֆայության շրջանում հայ վազիրների հարյուրամյա կառավարման ողջ շրջանը, հայազգի վազիրների գործունեության

առանձնահատկությունները, նրանց դերը Ֆաթիմյան Եգիպտոսի պետական համակարգում:

Գիտական նորույթ է առենախոսությունում Աֆդալ Շահնշահի, և հատկապես՝ Մուզաֆֆար իբն Բադր Ալ-Գամալիի, Ահմադ իբն Ալ-Աֆդալի /Աբու Ալի Կութայֆայթ/, Յանիս Ալ-Արմանիի, Թալաի իբն Ռուզգիք Ալ-Արմանիի և Ռուզգիք իբն Թալաիի /Աբու Շուջաա Բադր Ադ-Դին/ ռազմաքաղաքական, սոցիալ-տնտեսական և մշակութային գործունեության բազմակողմանի հետազոտությունը:

4. ԱՇԽԱՆՈՍՈՒԹՅԱՆ ԺԱՄԱՆԱԿԱԳՐԱԿԱՆ ՍԱՀՄԱՆՆԵՐԸ

Ժամանակագրական առումով առենախոսությունն ընդգրկում է Եգիպտոսում Ֆաթիմյան հարստության երկրորդ հարյուրամյակը՝ XI-XII դդ.: Այն ներառում է Ֆաթիմյան Եգիպտոսում հայ վազիրների կառավարման շուրջ հարյուրամյա՝ «հայկական շրջանը» /1074-1162թթ./, ուսումնասիրվող ժամանակաշրջանում Եգիպտոսի հայ գաղթօջախի պատմությունը, ինչպես նաև Ֆաթիմյան հարստության վերջնական անկումը /1171թ./:

5. ԱՇԽԱՆՈՍՈՒԹՅԱՆ ՄԵԹՈԴԱԲԱՆԱԿԱՆ ՀԻՄՔԸ

Ատենախոսության մեթոդաբանական հիմքում դրված են Ֆաթիմյան Եգիպտոսում հայ վազիրների կառավարման շրջանի /1074-1171թթ./, վերջիններիս ղեկավարման առանձնահատկությունների, նրանց վարած ներքին և արտաքին քաղաքականության, Ֆաթիմյանների օրոք եգիպտահայ գաղթավայրին առնչվող գործընթացների հետ կապված հարցադրումների և տեսակետների քննական մեկնության և փաստերի համեմատական-համադրական վերլուծության սկզբունքները:

6. ԱՇԽԱՏԱՆՔԻ ՏԵՍԱԿԱՆ ԵՎ ԳՈՐԾՆԱԿԱՆ ՆՇԱՆԱԿՈՒԹՅՈՒՆԸ

Ատենախոսության մեջ առաջ քաշվող դրույթները, արված մեկնաբանությունները և եզրահանգումները կարող են օգտագործվել արաբական երկրների, մասնավորապես՝ Եգիպտոսի միջնադարյան պատմության, առհասարակ՝ միջնադարագիտությանը նվիրված հետազոտություններում և դասախոսություններում: Աշխատության դրույթները կարող են լայնորեն կիրառվել նաև հայ-արաբական, առավելապես՝ հայ-եգիպտական հարաբերությունների, այդ թվում՝ Միջին Արևելքի հայ գաղթավայրերին նվիրված ուսումնասիրություններում:

7. ԱՇԽԱՏԱՆՔԻ ՓՈՐՁԱՔՆՆՈՒԹՅՈՒՆԸ ԵՎ ՊԵՇՏՈՆԱԿԱՆ ՀՎԱԿԱՆՈՒԹՅՈՒՆԸ

Ատենախոսությունը քննարկվել է ՀՀ ԳԱԱ Արևելագիտության ինստիտուտի Արաբական երկրների բաժնում, նրա հիմնական դրույթներն ու եզրակացությունները լուսաբանվել են հեղինակի կողմից հրատարակված գիտական հոդվածներում, Երիտասարդ արևելագետների XXIX, XXX միջազգային գիտաժողովներում ընթերցված զեկուցումներում:

Հեղինակի հրատարակած հիմնադրույթների ու հոդվածների ցանկը ներկայացված է սեղմագրի վերջում:

8. ՕԳՏԱԳՈՐԾԿԱԾ ԳՐԱԿԱՆՈՒԹՅԱՆ ՀԱՄԱՌՈՏ ՏԵՍՈՒԹՅՈՒՆ

Աշխատանքը գրվել է հայերեն, արաբերեն, ռուսերեն, անգլերեն, ֆրանսերեն լեզուներով աղբյուրների և ուսումնասիրությունների հիման վրա: Հետազոտությանը

նպաստել են հայ և օտարազգի հեղինակների՝ քննարկվող թեմային նվիրված արժեքավոր աշխատությունները, հոդվածները և մեծագրությունները:

Ուսումնասիրության համար որպես սկզբնաղբյուր են ծառայել միջնադարյան մատենագիրների՝ Թակի Ադ-Դին Ահմադ Իբն Ալի Ալ-Մաքրիզիի /1364-1442թթ./¹, Իբն Խալիբանի /1211-1282թթ./², Աբու Սալիհ Ալ-Արմանիի /12-13-րդ դարեր/³, Իբն Ալ-Մույսսարի /1231-1278թթ./⁴, Ջալալ Ադ-Դին Աս-Սույուտիի /1445-1505թթ./⁵, Իբն Թադրի Բիրդիի /1409-1470թթ./⁶, Աբու Ալ-Աբբաս Ահմադ Ալ-Կալկալանդիի⁷ /1355-1418թթ./, Աբու Շամայի /1203-1267թթ./⁸, Իբն Կալանիսիի /մ.1160թ./⁹, Նասիր Խոսրովի /1003-1088թթ./¹⁰, Իբն Խալունի /1332-1406թթ./¹¹, Իբն Ալ-Ասիրի /1160-1233թթ./¹², Սաբատ Իբն Ալ-Ջաուզիի /մ. 1256թ./¹³ արժեքավոր աշխատությունները, որոնք մտնում են արաբական միջնադարյան պատմագրության ոսկե ֆոնդի մեջ:

Նշենք, որ արաբական աղբյուրները հարուստ տեղեկություններ են հաղորդում Ֆաթիմյան Եգիպտոսի կառավարման համակարգում ծանրակշիռ դերակատարություն ունեցած հայ վազիրների մասին: Սակայն ավելի սուղ և կցկտուր են նրանց տվյալները նշված ժամանակաշրջանի Եգիպտոսի հայ գաղթավայրի մասին: Թեմայի ուսումնասիրության տեսանկյունից արաբական աղբյուրներից ամենարժեքավորն Ալ-Մաքրիզիի և Աբու Սալիհ Ալ-Արմանիի աշխատանքներն են, որոնք բավական հարուստ և արժեքավոր նյութ են պարունակում:

15-րդ դարի մամլուքյան պատմիչ Թակի Ադ-Դին Ալ-Մաքրիզիի գրչին է պատկանում «Պիրք հորդորանքի և խորհրդածության» նոր վայրերի և հնությունների հիշատակության մասին» /«Քիթաբ ալ-մավաիզ վա ալ-իթիբար ֆի գիբր ալ-խիտատ վա ալ-ասար»/ երկը, որը հայտնի է նաև «Ալ-խիտատ» անվամբ: Դրանում տեղեկություններ կան ոչ միայն հայ վազիրների, այլև՝ եգիպտահայ գաղթավայրի մասին:

Միջնադարյան Եգիպտոսի քրիստոնյա եկեղեցիների և համայնքների համար բացառիկ արժեք է ներկայացնում ծագումով հայ Աբու Սալիհ Ալ-Արմանիի /նաև՝ Աբու Սալիհ Հայ, Աբուսահլ Հայ/ ձեռագիր աշխատությունը, որ գրված է եղել արաբերենով, և որի միակ ձեռագիր ընդօրինակությունը /1338թ./ գտնվում է

Փարիզում: Նշենք, որ Աբու Սալիհի աշխատության բնագիրը դարերի ընթացքում կորել է, որից 1348թ. պատճենահանվել է մի օրինակ /այն ներկայումս պահվում է Փարիզի Ազգային մատենադարանում/:

Աբու Սալիհը Եգիպտոսում գործող ղպտի, եթովպական, ասորի և այլ աղթատեղիների կողքին մեծ տեղ է հատկացրել հայ եկեղեցուն և համայնքին: Նա թվարկում է հայկական եկեղեցիների և վանքերի անունները, նշում դրանց գտնվելու վայրերը, տեղեկություններ է հաղորդում հայ հոգևոր առաջնորդների և հայազգի վազիրների, հայ գաղութի և հայ-եգիպտական հարաբերությունների մասին:

Աբու Սալիհի արժեքավոր այս ձեռագիրը 1895թ. Օքսֆորդի համալսարանի դասախոս Բ. Էվեթը թարգմանել է անգլերենի: Նույն թվականին Մխիթարյան միաբանության անդամ Ղևոնդ Ալիշանն անգլերեն օրինակից առանձին գրքույկով հայերեն է թարգմանել հայերին վերաբերող հատվածները, որը երկրորդ անգամ հրատարակվել է 1935-ին¹⁴:

Ֆաթիմյան շրջանի եգիպտահայ գաղութի պատմության համար որպես սկզբնաղբյուր օգտագործվել են նաև միջնադարյան հայ պատմիչներ Մատթեոս Ուռնայեցու¹⁵, Կիրակոս Գանձակեցու¹⁶ և Սամվել Անեցու¹⁷ աշխատությունները, որոնք որոշակի, բայց սուղ տեղեկություններ են հաղորդում Ֆաթիմյան Եգիպտոսում հաստատված հայերի մասին:

Նշենք, որ հետազոտության մեջ սկզբնաղբյուրային նշանակություն են ունեցել նաև Մեսրոպ Մաշտոցի անվան Մատենադարանի մի քանի հայկական ձեռագրեր և դրանց հիշատակարանները, որոնք Եգիպտոսի հայերի և ընդհանրապես հայ-արաբական հարաբերությունների մասին արժեքավոր տեղեկություններ են պարունակում: Ներկայումս, օրինակ, Մատենադարանում է պահվում Եգիպտոսից մեզ հասած հնագույն հայերեն ձեռագիրը՝ մագաղաթյա մի Ավետարան /թիվ 288/, որն ունի 280 թերթ: Այն գրված է 1099թ., Ալեքսանդրիայում, Ահարովն կրոնավորի կողմից, պատվիրատուն ոմն Հովհաննեսն է: Հիշատակարանը /թթ. 75Բ, 278Բ-280Բ/ պահպանված է լրիվ՝ բացի վերջին մասից:

Խալիֆայության, ինչպես նաև միջնադարյան Եգիպտոսի, մասնավորապես Ֆաթիմյան շրջանի պատմության առանձին խնդիրներ, հատկապես՝ պետական համակարգը, արտաքին և ներքին քաղաքականությունը, տնտեսությունը, սոցիալական հարաբերությունները, ավելի ճիշտ հասկանալու տեսանկյունից կարևոր նշանակություն են ունեցել Իսլամի հանրագիտարանի առանձին հոդվածները¹⁸, Օքսֆորդի համալսարանի վեց հատորանոց ուսումնասիրությունը¹⁹, Լ.Սեյմյոնովայի²⁰, Է. Բաթչերի²¹, Ս.Լեն-Փուլի²², Մ.Վան Բերխեմի²³, Գ.Վիեթի²⁴,

¹ 1908. القاهرة، ٤٠٣-٢٠١ ج. كتاب المواعظ والاعتبار بذكر الخطط والآثار، ج. تقي الدين أحمد ابن علي المقريزي،

² 1849-1950. ١-٦. القاهرة، وفيات الاعيان ابا ابنا الزمان، القاهرة،

³ The Churches and Monasteries of Egypt and Some Neighbouring Countries, Attributed to Abu Salih the Armenian, Translated from the Original Arabic by B. Evetts, with Added Notes by Alfred J. Butler, Oxford, 1895.

⁴ Ibn Muyassar, Annales d'Egypt /Les Khalifes Fatimides/, text Arabe, e'dite' par M.Henri Masse', Le Caire, 1919.

⁵ 1299. القاهرة، ج ١-٢. جلال الدين السيوطي، كتاب حسن المحاضرة في أخبار في مصر القاهرة،

⁶ 1352, 1353. القاهرة، ج ٤-٥. جمال الدين ابو المحاسن يوسف بن تغري بردي، النجوم الزاهرة في ملوك مصر القاهرة،

⁷ 1914-1919. القاهرة، ج ١-٤. ابو العباس احمد القلقشندي، كتاب صبح الأعش في كتابة الانشاء،

⁸ 1287-1288. القاهرة، ج ١-٢. ابو شامة، كتاب الروضتين في أخبار الدولتين،

⁹ 1908. أبو علي حمزة ابن القلاسي ذاهل طريق دمشق، بيروت،

¹⁰ Hacıur-u Xucray, Safer-Namə, ner. u prım. E.Ə. Bertel'sa, M.-A., 1933.

¹¹ 1311. عبد الرحمن بن خلدون، كتاب العبر، ج ٤، بولاق،

¹² 1935. القاهرة، الكامل في تاريخ، القاهرة، U. Stp.-Ղևոնդայանի, Եր., 1981, /Օտար աղբյուրները Հայաստանի և հայերի մասին, XI, Արաբական աղբյուրներ, Բ/:

¹³ 1951-1952. ٢-١. سبط بن الجوزي، مرآة الزمان في تاريخ الاعيان، حيدرآباد، ج ٢-١،

¹⁴ Ապուսահլ Հայ, Պատմութիւն եկեղեցեաց եւ վանօրէից Եգիպտոսի, Վենետիկ, ս. Ղազար, 1935:

¹⁵ Մատթեոս Ուռնայեցի, ժամանակագրություն: Թարգմանությունը, ներածությունը և ծանոթագրությունները՝ Հրաչ Բաթիկյանի, Եր., 1973:

¹⁶ Կիրակոս Գանձակեցի, Պատմություն հայոց: Թարգմանությունը, առաջաբանը և ծանոթագրությունները՝ Վարազ Առաքելյանի, Եր., 1982:

¹⁷ Սամուելի քահանայի Անեցու, Հաւաքմունք ի գրոց պատմագրաց, Վաղարշապատ, 1893:

¹⁸ The Encyclopaedia of Islam, New Edition, V. I, Leiden, 1986, The Encyclopaedia of Islam, New Edition, V. II, Leiden, 1983.

¹⁹ A History of Egypt, London, 1924-1936, Vol. I-VI.

²⁰ Л. Семенова, Из истории Фатимидского Египта, М., 1974.

²¹ E. L. Butcher, The Story of Church in Egypt in two volumes, London, 1897.

²² S. Lane-Pool, History of Egypt in the Middle Ages, London, 1936.

²³ M. Van Berchem, Me'mories publie's par les membres de la Mission Arche'ologique Francaise au Caire, Tome XIX, Fascicule IV, Corpus Inscriptionum Arabicarum, Premie're partie, Egypte, Paris, 1903.

²⁴ G. Wiet, Me'mories publie's par les membres de la Mission Arche'ologique Francaise au Caire, Tome 52-e, Corpus Inscriptionum Arabicarum, Le Caire, 1930.

Ֆ.Հիբբի²⁹, Հ. Իբրահիմ Հասանի²⁹, Ա. Մաալուֆի²⁷, Պ.Սանդերսի²⁸, Լ. Ալ-Իմադի²⁹, Լ.Յաակովի³⁰, Գ.Համիթոնի³¹, Ս.Դենուայի³², Հ.Գիբբի³³, Մ.Մինավի³⁴, Ա.Մեցի³⁵, Ա.Մուշրիֆայի³⁶ աշխատությունները:

Հետազոտությանը զգալիորեն նպաստել են միջնադարյան իսլամական ճարտարապետության և մշակույթի, ինչպես նաև հայազգի վագիրների իրականացրած շինարարական գործունեության մասին արժեքավոր տեղեկություններ պարունակող Մ. Գ.Վիթթի, Ի.Բեյրմանի, Ա.Վիջդանի, Մ.Բրիգգի, Շ.Բոազի, Բ.Քրեզվելի, Օ.Գրեբերի³⁷, Ռ.Ադայանի³⁸ աշխատությունները:

Իսլամի տեսական, դավանաբանական խնդիրներին, ինչպես նաև միջնադարյան իսլամի պատմությանը նվիրված առանձին հարցերի ուսումնասիրության համար հեղինակին մեծապես օգնել են Ի.Պետրուլևսկու³⁹, Ե.Բեյլակի⁴⁰, Բ.Լուիսի⁴¹, Ա.Քիերի⁴² Ռ.Բալլիեթի⁴³ արժեքավոր աշխատանքները:

Ֆաթիմյան Եգիպտոսի կառավարման համակարգում բացառիկ դերակատարություն ունեցած հայ վագիրների մասին արժեքավոր տեղեկություններ և վերլուծություններ են պարունակում նաև Ա.Կապոյան-Կույունջյանի⁴⁴,

Մ.Կանարդի⁴⁵, Ա.Տրիտոնի⁴⁶, Ս.Ղադոյանի⁴⁷, Ա.Մյուլլերի⁴⁸, Մ.Ֆաթիմի⁴⁹, Ժ.Դեդեյանի⁵⁰, Լ. Տեր-Պետրոսյանի⁵¹ աշխատանքները:

Ֆաթիմյան Եգիպտոսի, ինչպես նաև այդ շրջանի Եգիպտոսի հայ գաղթավայրի ու հայ-եգիպտական հարաբերությունների պատմությանը որոշակիորեն անդրադարձել են հայ արաբագետներ պրոֆ. Ն.Հովհաննիսյան⁵², Ա.Տեր-Ղևոնդյան⁵³, ինչպես նաև Ա.Աբրահամյան⁵⁴, Լեոն⁵⁵, Հ.Թուրջյան⁵⁶, Հ.Թովուզյան⁵⁷ նաև՝ սփյուռքահայ հետազոտողներ Գ.Սըրբյան⁵⁸, Թ. արքեպիսկոպոս Գուշակյան⁵⁹, Ա. Ալպոյաճյան⁶⁰, Ն.Գ. Տեր-Սիթյանյան⁶¹, Ս.Զեյնյան⁶², Ա.Գարտաշյան⁶³, Հ.Սուֆյան⁶⁴, Գ.Հովհաննիսյան⁶⁵, Ն.Աղազարյան⁶⁶:

Հայ առաքելական եկեղեցու, Եգիպտոսում վերջինիս իրականացրած գործունեության, ինչպես նաև այդ շրջանի առանձին կրոնական գործիչների մասին արժեքավոր հիշատակություններ են պարունակում Մաղաքիա արքեպիսկոպոս Օրմանյանի⁶⁷, Ղ.Ալիջանի⁶⁸, Հր.Աճառյանի⁶⁹ աշխատանքները:

Եգիպտոսի գաղթավայրի պատմության վերաբերյալ արաբալեզու սկզբնաղբյուրների հրատարակության և ուսումնասիրության գործում անգնահատելի աշխատանք է տարել Գևորգ Սըրբյանը, ով այդ աղբյուրներից քաղել է եգիպտահայության պատմությանը վերաբերող բազմաթիվ արժեքավոր տեղեկություններ: Իր հավաքած նյութերի մի մասը նա գետեղել է «Ականավոր հայեր Եգիպտոսի մեջ» գրքում /Կահիրե, 1947թ./, իսկ մյուսը, առանձին հոդվածներով,

²⁹ P.Hitti, History of the Arabs, London, 1951.

²⁶ حسن إبراهيم حسن, الفاطميون في مصر القاهرة, ١٩٣٢

²⁷ A. Maalouf, The Crusaders through Arab Eyes, New York, 1985.

²⁸ P. Sanders, The Fatimid State 969-1171, Vol. I "Islamic Egypt 640-1517" ed. by P. Carl F., Cambridge University Press, 1998/969-1172/, Berlin, 1990.

²⁹ L. S. Al-Imad, The Fatimid Vizerate /969-1172/, Berlin, 1990.

³⁰ L. Yaacov, State and Society in Fatimid Egypt, Leiden, 1991.

³¹ G. Hamilton, The Caliphate and the Arab States, in A History of the Crusades, Kenneth M. Setton ed., Vol. 1, Madison, Wisconsin, 1969.

³² S. Denoix, Les Premiers Siècles Arabes (641-1171), dans André Raymond et al "Caire", Paris, 2000.

³³ H.A.R. Gibb, The Damascus Chronicle of the Crusaders: Extracted and Translated from the Chronicle of Ibn al-Qalanisi, London, 1932.

³⁴ ١٩٧٠, محمد حمدي المناوي، الوزراء و الوزراء في العهد الفاطمي، القاهرة.

³⁵ А. Мец, Мусульманский ренессанс, М., 1966.

³⁶ ١٩٥٠, عطية مصطفى مشرفة، الحكم في مصر الفاطميين، القاهرة.

³⁷ G. Wiet, Precis de l'histoire d'Égypte, Le Caire, 1932; G. Wiet, Cairo: City of Art and Commerce, translated by Seymour Feiler, University of Oklahoma Press, 1964; I. Beirman, Art and Architecture in the Medieval Period, in The Cambridge History of Egypt, Vol. I, Islamic Egypt 640-1517, ed. Petry Carl F., Cambridge University Press, 1998; A. Wijdan, The Arab Contribution to Islamic Art (from the Seventh to the Fifteenth Centuries), American University of Cairo Press, 1999; M. Briggs, Architectures in The Legacy of Islam, ed. Th. Arnold and A. Guillaume, Oxford, 1943; Sh. Boaz, Popular Culture in Medieval Cairo, Cambridge University Press, 1993; K. A. Creswell, The Muslim Architecture of Egypt, Oxford, 1952, Vol. 1; O Grabar, The Architecture of the Middle Eastern City from Past to Present: The Case of the Mosque, in Ira M. Lapidus ed. Middle Eastern Cities, Los Angeles, 1969.

³⁸ R. Adalian, The Armenians in Fatimid Egypt 1073-1186. A Military Colony. Research Paper as Course Requirement at UCLA, 1985.

³⁹ И. Петрушевский, Ислам в Иране VIII-X вв., Л., 1966.

⁴⁰ Е. Беляев., Мусульманское сектанство, М. 1957.

⁴¹ B. Lewis, The Origin of Ismailism: A Study of the Historical Background of the Fatimid Caliphate, Cambridge, 1940; B. Lewis, The Ismailites and the Assassins, "A History of the Crusades", vol 1, Philadelphia, 1955.

⁴² A. Querry, Droit Musulman. Recueil des Lois Concernants les Musulmans Schyites, T. 1, Paris, 1871, p.342-452.

⁴³ R. W. Bulliet, Conversion to Islam in the Medieval Period, Harvard University Press, 1979.

⁴⁴ A. Kapoian-Kouymjian, L'Égypte Vue par des Arméniens, Paris, 1988.

⁴⁵ M. Canard, Un Vizir Chrétien à l'époque Fatimide: L'Armenien Bahram, Annales de l'Etudes Orientales, v. XII, Alger, 1954; Chronique de Michel le Syrien, ed. Trad. Par J. B. Chabot, v. III, Paris, 1963.

⁴⁶ A.S. Tritton, The Caliphs and Their Non-Muslim Subjects, London, 1970; A.S. Tritton, Theology and Philosophy of the Ismailis-JRAS, 1958.

⁴⁷ S. Dadoyan, The Fatimid Armenians: Cultural and Political Interaction in the Near East, Brill, 1997.

⁴⁸ А. Мюллер, История ислама с основания до новейших времен, пер. с немецкого од ред. Н.А. Медникова, м.И, СПб., 1895.

⁴⁹ Մ. Ֆաթիմի, Պատմութիւն եգիպտահայութեան, «Սին» ամսագիր, Երուսաղեմ, 1928թ., 1930թ.:

⁵⁰ G. Dedeayan, Les Armeniens Entre Grecs, Musulmans et Croises. Etude Sur Les Pouvoirs Armeniens Dans Le Proche-Orient-Mediterraneen /1068-1150/, Lisbonne, v. 1, 2, Lisbonne, 2003.

⁵¹ Լ. Տեր-Պետրոսյան, հաշակիրները և հայերը, Հ. Ա., Երևան, 2005:

⁵² Ն.Հովհաննիսյան, Արաբական երկրների պատմություն, հ. 1, Եր., 2003:

⁵³ Լ. Տեր-Ղևոնդյան, Վահրամ Պաղատունի Ֆաթիմյան խալիֆայության վեզիր, Հոդվածների ժողովածու, Եր., 2003, էջ 531-543:

⁵⁴ Ա.Աբրահամյան, Համառոտ ուրվագիծ հայ գաղթավայրերի պատմության, Բ. հատոր, Եր., 1967:

⁵⁵ Լեո, Պատմություն, Բ հատոր, Եր., 1947:

⁵⁶ Հ.Թուրջյան, XI և XII դարերի եգիպտահայ գաղութի պատմությունից, Արևելագիտական ժողովածու, հ. 2, Եր., 1964, էջ 301-317:

⁵⁷ Թովուզյան Հ., Եգեր եգիպտահայ ինն գաղութի պատմությունից, «Եջմածին» ամսագիր, օգոստոս, 1962:

⁵⁸ Գ.Սըրբյան, Ականավոր հայեր Եգիպտոսի մեջ, Գահիրե, 1935:

⁵⁹ Թ. արք. Գուշակյան, Եգիպտոսի հայոց ինն եւ արդի եկեղեցիները, Գահիրե, 1927:

⁶⁰ Ա.Ալպոյաճյան, Պատմութիւն հայ գաղթականութեան, հայերու ցուումը աշխարհի զանազան մասերը: Ա. հատոր, Քրիստոսէ առաջ Զ. դարէն մինչեւ ժՄ դար Քրիստոսի, Գահիրե, 1941: Բ. հատոր, Քրիստոսի ժՄ դարէն մինչեւ Միջին Ղարու վախճանը, Գահիրե, 1955, նույնի՝ Արաբական Միացեալ հանրապետութեան Եգիպտոսի նահանգը եւ հայերը /սկիզբէն մինչեւ մեր օրերը/, Գահիրե, 1960:

⁶¹ Ն. Գ. Տեր-Միքայելեան, Եգիպտոսի գաղութը 10-15-րդ դարերում, Պետրոս, 1980:

⁶² Ս.Զեյնյան, Հայութեան ներդրումը վաղ միջնադարեան եւ արդի Եգիպտոսի պատմութեան մեջ, Կանադա, 2004

⁶³ Ա.Գարտաշեան, Նիութեւ Եգիպտոսի հայոց պատմութեան համար, Գահիրե, 1943:

⁶⁴ Հ.Սուֆեան, Եգիպտոսի հայ մամուլընէն ու իշխանները Ֆաթիմյան շրջանին, Գահիրե, 1928:

⁶⁵ Գ.Յովհաննէսեան, Եգիպտոսի պատմութիւնը սկիզբէն մինչեւ մեր օրերը, ճիշտացուած ազգային պատմութեան դրուագներով, Գահիրե, 1937:

⁶⁶ Ն.Աղազարյան, Նոթեր Եգիպտոսի հայ գաղութին վրայ, Գահիրե, 1911:

⁶⁷ Մ. արք. Օրմանեան, Ազգապատում, Հայ ուղղափառ եկեղեցիոյ անցքերը սկզբէն մինչեւ մեր օրերը յարակից ազգային պարագաներով պատմուած, հ.Ա., Մայր աթոռ Ս. Էջմիածին, 2001:

⁶⁸ Ղ. Ալիջան, Շճրարիկ եւ պարագայ իւր, Վենետիկ, 1873:

⁶⁹ Հ.Աճառյան, Հայոց անմահունիների բառարան, հ. Ա., Երևան, 1942:

հրատարակել «Սիրոն» ամսագրում /1934թ., 1938թ./: Եզիպտոսի հայկական հուշարձանների և վիճազոր արձանագրությունների մասին արժեքավոր տվյալներ է հավաքել ու հրատարակել Թորգոմ արքեպիսկոպոս Գուշակյանը «Եզիպտոսից հին և արդի եկեղեցիները» իր մենագրության մեջ /Կահիրե, 1927թ./: Եզիպտոսում վերջինիս կատարած դաշտային հետազոտությունն ավելի նյութական է դարձնում Եզիպտոսի գաղութի ուսումնասիրությունը:

Եզիպտոսի հայ վազիրների և որոշ չափով նաև Եզիպտոսի գաղթավայրի մասին արժեքավոր հետազոտություն է կատարել Արշակ Ալպոյաձյանը՝ հենվելով միջնադարյան արաբ պատմիչների և նորագույն շրջանի արևմտյան պատմաբանների աշխատանքների վրա:

Եզիպտոսի գաղութի X-XV դդ. պատմության վերաբերյալ առանձնահատուկ հիշատակության է արժանի Նուպար Գ.Տեր-Աիջայեյանի «Եզիպտոսի գաղութը 10-15-րդ դարերում» ուսումնասիրությունը, որտեղ հետազոտված են նշված ժամանակաշրջանի Եզիպտոսի գաղթավայրին առնչվող բազմաթիվ շերտեր: Աշխատանքի արժանիքներից մեկն այն է, որ հեղինակն օգտագործել է շուրջ 3000 ձեռագիր նյութ՝ արաբերենով, անգլերենով, ֆրանսերենով, հայերենով՝ օգտվելով Եզիպտոսի թանգարանների և առանձին ինստիտուտների գրադարաններից ու արխիվներից: Հեղինակը Կահիրեում և շրջակա տարածքներում լուսանկարել և ուսումնասիրել է տեղի քրիստոնեական և իսլամական այն հուշարձանները, որոնք առնչվում են ուսումնասիրվող թեմային:

9. ԱՇԽԱՏԱՆՔԻ ԿԱՌՈՒՅՎԱԾՔՆ ՈՒ ԲՈՎԱՆԴԱԿՈՒԹՅՈՒՆԸ

Ատենախոսությունը բաղկացած է առաջաբանից, երեք գլուխներից, որոնցից յուրաքանչյուրը համապատասխանաբար կազմված է ենթաբաժիններից, վերջաբանից և օգտագործված աղբյուրների և գրականության ցանկից:

ԱՌԱՋԱԲԱՆՈՒՄ խոսվում է ատենախոսության թեմայի արդիականության, նպատակների ու խնդիրների մասին, հիմնավորվում է աշխատանքի տեսական և գործնական նշանակությունը, տրվում է օգտագործված գրականության և աղբյուրների համառոտ տեսությունը, աշխատանքի մեթոդաբանական հիմքը և գիտական նորույթը:

Ատենախոսության **ԱՌԱՋԻՆ ԳՈՒԻՆԸ**՝ «ՀԱՅ ՎԱԶԻՐՆԵՐԻ ԻՆՍՏԻՏՈՒՏԻ ՀԱՍՏԱՏՈՒՄԸ ՖԱԹԻՄՅԱՆ ԵԳԻՊՏՈՍՈՒՄ /1074-1135թթ./», անդրադառնում է Եզիպտոսում Ֆաթիմյան խալիֆայության հաստատման գործընթացի, Ֆաթիմյան առաջին հայ վազիր Բադր Ալ-Գամալի Ալ-Արմանի /1074-1094թթ./ և նրա որդու՝ Ալ-Աֆդալ Շահնշահ իբն Բադր Ալ-Գամալի /1094-1121թթ./, 1122-1135թթ. վազիրներ Մուլաֆֆար բին Բադր Ալ-Գամալի, Ահմադ իբն Ալ-Աֆդալի /Բքու Ալի Քուրայֆաթ/, Յանիս /Հովհաննես/ Ալ-Արմանի, ինչպես նաև հայ քրիստոնյա Վահրամ Պահլավունու /Բահրամ Ալ-Արմանի/ /1135-1137թթ./ կառավարման շրջանների ուսումնասիրությանը:

Գլխի առաջին ենթաբաժնում՝ «Ֆաթիմյան խալիֆայության ձևավորումը Եզիպտոսում», ներկայացվում է Եզիպտոսում Ֆաթիմյանների իշխանության հաստատման գործընթացը:

Եզիպտոսում Ֆաթիմյան խալիֆայությունը հիմնադրվեց 969թ. և գոյատևեց ընդհուպ մինչև 1171թ.: Ֆաթիմյան դինաստիան դավանում էր շիա իսլամի իսմայիլական ուղղությունը, ինչը մեծ դեր խաղաց 909 թվականից Հյուսիսային Աֆրիկայում /սկզբում՝ ներկայիս Թունիսի տարածքում/, ապա՝ Եզիպտոսում Ֆաթիմյան խալիֆայության /969-1171/ ձևավորման հարցում: Ֆաթիմյան պետության

գաղափարախոսության հիմքում ընկած էր ծայրահեղ շիական ուղղություններից մեկը՝ իսմայիլականությունը, որի ստեղծումը կապված է շիական վեցերորդ իմամ Ջաֆար Ալ-Սադիկի /մ. 765թ./ անվան հետ /ով դեռևս իր կենդանության օրոք յոթերորդ իմամ նշանակեց իր կրտսեր որդուն՝ Մուսա Ալ-Քազիմին՝ իմամությունից զրկելով ավագ որդուն՝ Իսմայիլին: Այդ հանգամանքն ի հայտ բերեց դժգոհություն՝ ձևավորելով իսմայիլականների թևը: Հետագայում պառակտվեցին նաև իսմայիլականները: Նրանց շրջանում ի հայտ եկած Ֆաթիմյան իսմայիլականները Մուհամմադի դստեր և Ալիի կնոջ՝ Ֆաթիմայի անունը վերցնելով՝ ձգտում էին ընդգծել իրենց ուղղակի կապը մարգարեի տոհմի և Ալիի հետ:

Հյուսիսային Աֆրիկան թիրախ դարձնելու ֆաթիմյան իսմայիլականների մտադրությունները պատահական չէին: Աբբասյան խալիֆայության թուլացման և տրոհման հետևանքով Հյուսիսային Աֆրիկայում առաջացել էին համապատասխան դինաստիաների կողմից կառավարվող անկախ պետական կազմավորումներ, որոնք ի վիճակի չէին դիմադրել որևէ կազմակերպված և հզոր ուժի՝ նրանցում սկիզբ առած ներքին պառակտությունների և տեղական բնակչության, մասնավորապես՝ բերքերների դժգոհությունների հետևանքով: 910-ից Մադրիբում իրենց գերիշխանությունը հաստատելով՝ Ֆաթիմյանները հետամուտ էին խալիֆայության սահմանների հարաձուլ ընդարձակմանը՝ առաջին հերթին նկատի ունենալով ռազմավարական առումով հանգուցային նշանակություն ունեցող Եզիպտոսը, որը վիճակված էր գրավել Ալ-Մուխզա խալիֆային /953-975թթ./: Նրա հարյուրհազարանոց բանակը տաղանդավոր զորահրամանատար, ծագումով հայ Ջոհարի գլխավորությամբ 969թ. գրավեց մայրաքաղաք Ֆուստատը: Ֆաթիմյաններն այդպիսով գահընկեց արեցին Եզիպտոսը կառավարող Իսխիդյան դինաստիային /935-969թթ./: 973թ. հիմնվեց մայրաքաղաք Կահիրեն, որը միջնադարի արաբ հայտնի գիտնական Իբն Խալլունը «Ումմ ադ-դունյա»՝ «Աշխարհի քաղաքամայր» անվանեց: Եզիպտոսը նվաճելուց չորս տարի անց, 973թ., Ալ-Մուխզա տեղափոխվեց Կահիրե /արաբ.՝ Ալ-Կահիրա, բառացի՝ հաղթության քաղաք/ իր հետ վերցնելով նախնիների աճյունները: Օգտվելով Աբբասյանների թուլացումից՝ Ֆաթիմյաններին հաջողվեց հետագայում նվաճել նաև Սիրիան, Արաբիան, Իրաքի որոշ շրջաններ, Հիջազը՝ Մեքքայով և Մադինայով՝ ստեղծելով մի հզոր և ընդարձակ պետություն, որը ձգվում էր Ատլանտյան օվկիանոսից մինչև Կարմիր ծովի ափերը: Ֆաթիմյանների օրոք կառավարությունն ավելի նպաստավոր դիրք գրավեց երկրի կրոնադավանական փոքրամասնությունների նկատմամբ: Նրանք ազատ էին կրոնական գործերում, զբաղեցնում էին կարևոր պաշտոններ պետական կառավարման համակարգում, ակտիվ էին տնտեսության մեջ և այլ բնագավառներում: Ֆաթիմյան խալիֆայության գոյության առաջին հարյուրամյակը եղավ նրա վերընթաց զարգացման և քաղաքական ու տնտեսական հզորության շրջանը, ամրապնդվեցին նրա միջազգային դիրքերը: Սակայն Հաջիմ խալիֆայի /996-1021թթ./ գահակալության շրջանում Ֆաթիմյան պետությունը սկսում է քաղաքականորեն և տնտեսականորեն թուլանալ, որն իր զագաթնակետին է հասնում Ալ-Մուսթանսիր խալիֆայի /1036-1094թթ./ օրոք և դրան հաջորդած շրջանում:

Գլխի երկրորդ ենթաբաժնում՝ «Բադր Ալ-Արմանին /1074-1094թթ./ Ֆաթիմյան առաջին հայ վազիրը», քննության է ենթարկվում Բադր Ալ-Գամալի կառավարման տարիներին Եզիպտոսում տեղի ունեցած զարգացումները:

1073թ. Ֆաթիմյան Ալ-Մուսթանսիր խալիֆան գերությունից ազատ արձակված և Աբբա քաղաքի կառավարիչ հայազգի Բադր Ալ-Գամալին օգնության կանչեց՝ կանխելու բանակում առկա խռովությունները, քաղաքական խլրտումները և սովի

հետևանքով քայքայման եզրին հայտնված երկրի փլուզումը: Բաղը Եգիպտոս հասավ երեք հազարանոց անձնական բանակով, որը, մեծամասամբ, կազմված էր հայերից: Որոշ աղբյուրների համաձայն՝ հայկական բանակի թիվը հասնում էր տաս հազարի:

1060թ. մինչև 1066թ. խալիֆան երկրում նշանակել էր քսանյոթ վազիր, սակայն հուզող խնդիրները լուծում չէին ստացել: Մինչդեռ Բաղը Ալ-Պամալին կարճ ժամանակում հաջողեց զսպել բանակում առկա հակասությունները, իրեն ենթարկեց պարագլուխներին և կարգ ու կանոն հաստատեց երկրում: Նրա քաղաքական դիրքերի ամրապնդմանը նպաստեց անձնական /մեծամասամբ հայերից բաղկացած/ հեծյալ և հետևակ զորագնդերի առկայությունը: Բաղը դրանք հիմնականում համալրում էր հայ գաղթական նորակոչիկներով՝ վստահ լինելով վերջիններիս հավատարմության մեջ: Փաստորեն, Ալ-Պամալիի ջանքերով ստեղծվեց հայկական զորամիավորումը՝ «Ջուլուշիան», որ կարելի է անվանել նաև կտրիճների զորագունդ: Բաղըն այն տեղավորեց Կահիրեի հյուսիսում գտնվող Հուսեյնիե ընդարձակ արվարձանում, որտեղ վերաշինեց ավերված մի եկեղեցի և տրամադրեց հայերին: «Ջուլուշիայի» զինվորները բարձր դիրք էին զբաղում Եգիպտական հասարակության շրջանում մինչև Ֆաթիմյան հարստության անկումը:

Ներքաղաքական անկայունությունը հաղթահարելու համար Բաղը Ալ-Պամալին բանակի բարձրաստիճան զինվորականներին պարգևատրեց /իկտա/ տրամադրեց: Դիվանագետ վազիրը գիտակցում էր, որ իր հենարանը հանդիսացող հայկական զինյալ ուժերի համար հողատիրությունը հաջողության և հեղինակության ավանդական գրավականն էր:

Հատկանշական է, որ Եգիպտոսի սոցիալ-տնտեսական իրավիճակի կայունացման համար Բաղըն մի շարք բարեփոխումներ իրականացրեց: Նա շահեկան պայմաններ ստեղծեց արտաքին և ներքին առևտրի ակտիվացման համար՝ շահելով առևտրականների վստահությունն ու բարեհաճ վերաբերմունքը: Նրա հենատես քաղաքականության արդյունքում պետական եկամուտները կրկնապատկվեցին և խարխուլված Ֆաթիմյան իշխանությունն ամրապնդվեց: Երկրի պետական հաստիքը Բաղրի օրոք մինչև 3 մլն. դինարի բարձրացվեց:

Երկրի տնտեսության առողջացման ուղղությամբ մյուս կարևոր քայլերից մեկը Բաղը Ալ-Պամալիի և նրա հետևորդների իրականացրած շինարարական գործունեությունն էր: 1086թ. Եդեսիայի անկումից հետո Եգիպտոս հայ գաղթականների նոր ալիքի հետ այստեղ հաստատվեցին երեք շինարար վարպետներ, որոնք էլ Կահիրեի երեք նշանավոր դարպասների՝ Բաբ Ալ-Ֆուլուխ /Նվաճումների դարպաս/, Բաբ Ան-նասր /Հաղթանակի դարպաս/ և Բաբ Ջուելլայի հեղինակներն են: Դրանք կանգուն են մինչ օրս: Առաջին երկուսը կառուցվեցին 1087թ., երրորդը՝ 1092թ.: Փաստորեն, Բաղը Ալ-Պամալիի վազիրության շրջանում հայկական շինարարության ավանդույթները լայնորեն օգտագործվեցին Եգիպտոսի կառույցներում:

Ներքին խնդիրների լուծմանը զուգահեռ հայազգի վազիրն ուշադրություն դարձրեց նաև արտաքին խնդիրներին, որտեղ ամենամեծ վտանգը սելջուկներից էր, որոնք ժԱ դարի 40-50-ականներին սկսեցին իրենց արշավանքները: 1077-1078թթ. Բաղըն զբաղեց Դամասկոսը, 1089-1093թթ. վերագրավեց Աքքան, Սուրը /Տիր/, Սաիդան /Սիդոն/ և Բիբլոսը, սակայն չկարողացավ գրավել Երուսաղեմը: Այնուամենայնիվ, Բաղրին հաջողվեց Եգիպտոսի համար պաշտպանական գոտի ստեղծել պաղեստինյան հատվածում:

Բաղը Ալ-Պամալիի վազիրության քսանամյա շրջանը ոչ միայն Ֆաթիմյան հարստությունը փրկեց քայքայումից, այլ նաև ձևավորեց խալիֆայության երկրորդ

հարյուրամյակը: Ինչպես Բաղրի, այնպես էլ նրան հաջորդող վազիրների անուններին կցվեց Ալ-Արմանի մակդիրը, որը բնորոշում էր նրանց հայկական ծագումը: Աշխարհիկ հայացքներ ունեցող Բաղը Ալ-Պամալին սկիզբ դրեց մեծամասամբ հայ վազիրների հարյուրամյակին, որոնք Եգիպտոսում ունեին բացարձակ իշխանություն:

Նա կրում էր Ամիր Ալ-Ջուլուշի /զորքերի իրամանատար/ Կադի Ալ-Կուդաթի /զերագույն դատավոր/ և մի շարք բարձրագույն այլ կոչումներն:

Գլխի երրորդ ենթաբաժնում՝ «Աֆղալ Շահնշահ իբն Ալ-Պամալին /1094-1121թթ./ երկրի փաստացի կառավարիչ», ուսումնասիրվում է Աֆղալ Շահնշահի իրականացրած ներքին և արտաքին քաղաքականությունը:

1094թ. Բաղը Ալ-Պամալին իր պաշտոնում փոխարինեց նրա որդին՝ Աֆղալը, որն իր պաշտոնավարման քսանյոթ տարիների ընթացքում, հոր օրինակով, իր ձեռքում կենտրոնացրեց Եգիպտոսի ռազմական և քաղաքական իշխանությունը: Նա առաջին հերթին ուշադրությունը կենտրոնացրեց երկրի ռազմական ներուժի ուժեղացման վրա:

Ներքին խռովությունները կանխելու նպատակով Աֆղալի օրոք առաջին անգամ կազմավորվեց անվտանգության գաղտնի ծառայություն: Որոշ արաբ պատմաբաններ վկայում են, որ վազիրի մայրը ևս Ասիալ ալ-խաբարի կամ Տեղեկությունների հավաքման ծառայության անդամ էր և ծածուկ շրջում էր Կահիրեի փողոցներով և տեղեկություններ հավաքում:

Աֆղալը մեծ ջանքեր գործադրեց երկրի տնտեսական կյանքն աշխուժացնելու համար: Գյուղացիներին բաժանվեցին հողեր և սերմնացու, երաշխավորվեց տուրքերի և հարկերի արդար հավաքումը:

Հետաքրքրություն է ներկայացնում նաև Աֆղալի վարած արտաքին քաղաքականությունը, որի կարևոր ուղղություններից մեկը վերաբերում էր խաչակիրներին: Խաչակիրների առաջին արշավանքն Արևելք սկսվեց 1096թ., իսկ 1098թ. խաչակիրները գրավեցին Անտիոքը ու Եդեսիան: 1098թ. սեպտեմբերին Ֆաթիմյանները սելջուկներից գրավեցին Երուսաղեմը: Երուսաղեմից վերադառնալուց առաջ Աֆղալը Ասկալոնում մի հոյակապ վկայարան /մաշիադ/ կառուցեց և այնտեղ տեղափոխեց Մուհամմադ մարգարեի թոռ՝ Հուսեյնի գլուխը: Այն հետագայում Կահիրե տեղափոխեց մեկ այլ հայազգի վազիր՝ Թալաի իբն Ռուզբիքը: Սակայն Աֆղալի ջանքերն ի գորու չէղան զերծ պահել խալիֆայությունն արտաքին նվաճումներից: 1099թ. մայիսի 19-ին խաչակիրները գրավեցին խալիֆայության հյուսիսային սահմանը՝ Նահր Ալ-Կալբը՝ Հյուսիսային Լիբանանի Շունին գետը, ապա նաև ծովեզերյա քաղաքները և մոտեցան Երուսաղեմին: Թեև քաղաքի Եգիպտացի կառավարիչն իսկույն դիմադրություն ցույց տվեց, սակայն մինչև Ալ-Աֆղալի օգնության հասնելը ստիպված եղավ անձնատուր լինել: Հայազգի վազիրը, ով իր հավատքին նվիրված շիա էր, մի շարք արշավանքներ կազմակերպեց Երուսաղեմը հետ նվաճելու նպատակով, սակայն չհաջողեց: 1099թ. խաչակիրները Ֆաթիմյաններից գրավեցին Երուսաղեմը՝ սրի քաշելով 70 հազար մուսուլմանների և Երուսաղեմը դարձրեցին իրենց թագավորության մայրաքաղաքը: Հետագա մի քանի տարիների ընթացքում խաչակիրների տիրապետության տակ անցավ սիրիական ծովափը՝ Բեյրութը, Տարտուսը, Աքքան, Տրիպոլիս, Յաֆֆան, 1124-ին՝ Տիրը: Պաղեստինում Ֆաթիմյանների միակ հենակետը մնաց Ասկալոնը, որը հանձնվեց միայն 1153թ.: Այսպիսով, 12-րդ դարի կեսին Ֆաթիմյան պետության սահմանները սահմանափակվում էին միայն Եգիպտոսով:

Ալ-Մուսթանսիր խալիֆայի մահվանից հետո վազիրն իրեն այնքան ազդեցիկ էր համարում, որ համարձակվեց փոխել խալիֆայի հաջորդականության կարգը:

խալիֆայի ավագ որդին՝ Նիզարն, անհետացավ, իսկ խալիֆա հռչակվեց նրա քրոջ տասնութամյա որդին՝ Ալ-Մուբաալի Բիլլահը, ով գահակալեց շուրջ վեց տարի: Հայտնի է, որ Աֆդալի միջամտությամբ գահակալության կարգի խախտումն ու դրա հետևանքով նիզարականների խռովությունները սրեցին ներքաղաքական պայքարը, որի հետևանքով հայազգի վազիրը սպանվեց 1121թ.:

Արաբական աղբյուրները բազմաթիվ տեղեկություններ են հաղորդում Աֆդալի հարստությունների մասին: Նրա մահից հետո երկու ամիս պահանջվեց իր ունեցվածքը խալիֆայի պալատ փոխարդելու համար:

Գլխի չորրորդ ենթաբաժինը՝ «Հայ կառավարիչները Ֆաթիմյան խալիֆայությունում /1122-1135թթ./ Մուզաֆֆար բին Բադր Ալ-Գամալի, Ահմադ իբն Ալ-Աֆդալ /Աբու Ալի Քութայբաթ/, Յանիս /Հովհաննես/ Ալ-Արմանի», լուսաբանում է 1122-1135թթ. Ֆաթիմյան խալիֆայության հայ վազիրներ Մուզաֆֆար իբն Բադր Ալ-Գամալիի, Ահմադ իբն Ալ-Աֆդալի /Աբու Ալի Կութայբաթ/, Յանիս Ալ-Արմանիի կառավարման շրջանը:

Բադր Ալ-Գամալիին և Աֆդալ Շահնշահին հաջորդել են նույնպես հայազգի վազիրներ, որոնք պատմական դեր են ստանձնել Ֆաթիմյան Եգիպտոսի կառավարման համակարգում, սակայն նրանց մասին պատմական տեղեկությունները բավական սուղ են: Աֆդալին հաջորդել է եղբայրը՝ Բադր Ալ-Գամալիի որդին՝ Մուզաֆֆար բին Բադր Ալ-Գամալին /Ջաաֆարը/, որն իր դիրքով և ունեցած կշռով զիջում էր Աֆդալին: Մուզաֆֆարը մի քանի անգամ փոխանորդաբար զբաղեցրեց վազիրի պաշտոնը, երբ Աֆդալը բացակայում էր Կահիրեից: Նրա անունով կոչվեց Կահիրեի հրապարակներից մեկը: Մուզաֆֆարը սպանվեց իր ծառայի ծեռքով, 1120թ.:

Աֆդալի սպանությունից հետո Ամիր խալիֆան ոչ միայն առգրավեց նրա հարստությունը, այլ նաև բանտարկեց նրա ընտանիքի անդամներին, որոնց շարքում՝ նաև Աֆդալի որդի Ահմադին /Աբու Ալի Քութայբաթ/: Երբ սպանվեց Ամիր խալիֆան, երկրում զինվորականներն ապստամբություն բարձրացրին, որի հետևանքով բանտից ազատ արձակված Ահմադն անմիջապես իրեն վազիր հռչակեց: Նա շուրջ մեկ տարի վայելում էր վեհապետի բոլոր արտոնությունները. նա նույնիսկ մզկիթներում փոխեց ուրբաթօրյա աղոթքի /խուտբա/ ձևը: Խուտբայից դուրս մղված Հաֆիզ խալիֆայի անվան փոխարեն սկսեց հիշատակվել իր անունը: 1131թ. Հաֆիզի կողմնակիցները դավադրաբար սպանեցին նրան: Դավադիրների պարագլուխն էր Հաֆիզի կողմնակիցներից Յանիս անունով մի հայ, որն էլ ստանձնեց վազիրի պաշտոնը:

Չնայած իր կարճամեծակետ պաշտոնավարմանը՝ Քութայբաթը ևս ցուցաբերեց իր գերդաստանին հատուկ ղեկավարման հմտություններ՝ ընդգծված հոգածություն ցուցաբերելով քրիստոնյաների՝ հատկապես հայերի նկատմամբ:

1132թ. Ալ-Հաֆիզ խալիֆան վազիր նշանակեց Ալ-Գամալիների նախկին ստրուկ, էմիրի աստիճան ստացած փառասեր Յանիս /Հովհաննես/ Ալ-Արմանիին: Վերջինս որպես ստրուկ ծառայում էր Աֆդալի պալատում, որի աջակցությամբ հասավ էմիրի աստիճանի, այնուհետև դարձավ խալիֆայի պալատի վերակացու, սակայն դավաճանեց իր բարերարի որդուն: Յանիս Ալ-Արմանին իր խստության և անզիջող բնավորության պատճառով մեծ դժգոհություն առաջացրեց իր անձի նկատմամբ և հազիվ ինն ամիս պաշտոնավարելուց հետո դավադրության զոհ դարձավ:

Գլխի հինգերորդ ենթաբաժնում՝ «Վահրամ Պահլավունի /Բահրամ Ալ-Արմանի/ Ֆաթիմյան վազիր /1135-1137թթ./», քննարկվում է հայ-առաքելական

լիազոր-վազիր Վահրամ Պահլավունու կառավարման շրջանը /1135-1137թթ./ և դրա առանձնահատկությունները:

Միջնադարյան իսլամի պատմության առումով բացառիկ երևույթ է Ֆաթիմյան պետության մեջ հայ քրիստոնյա իշխան Վահրամ Պահլավունու՝ լիազոր-վազիր կամ մեծ վազիր լինելու հանգամանքը: Հաֆիզ խալիֆայի օրոք /1130-1149թթ./ Վահրամ Պահլավունին Եգիպտոսի Դարբեհ /Դելտայում/ նահանգի կառավարիչն էր: Երկրում անիշխանություն էր տիրում. Հաֆիզի որդին ապստամբել էր հոր դեմ: Վահրամ Պահլավունին իր գնդերով հայտնվեց Կահիրեում և խալիֆան, ով արդեն երկու տարի ղեկավարում էր առանց վազիրի, 1135թ. մարտի 30-ին վազիրության շքազգեստը /խիլա/ շնորհեց ձեռնահաս հայ զորավարին: Իսլամական ավագանին դեմ էր Վահրամ Պահլավունու /Բահրամ Ալ-Արմանի/ վազիր դառնալուն: Հավանաբար մուսուլմանների շրջանում նրան լեգիտիմացնելու համար խալիֆան Վահրամ Պահլավունուն շնորհել էր «իսլամի սուր և պետության թագ» տիտղոսը:

Սակայն Վահրամ Պահլավունուն հարկավոր էր վստահելի հենարան և նա Կիլիկիայից և Եփրատացվոց աշխարհից հրավիրեց իր ազգականներին ու բազմաթիվ հայ զինվորականներ: Արդյունքում, հայերի թիվը Եգիպտոսում աճեց և շուտով կազմավորվեց քսան հազարանոց հայկական զորաբանակ, որի ծախսերը պետական գանձարանն էր հոգում: Վահրամի եղբայրը՝ Վասակը, Վերին Եգիպտոսի Կուս նահանգի կառավարիչ նշանակվեց: Կարչական ու զինվորական պաշտոններ ստացան նաև Վահրամի եղբորորդիները՝ Վասիլն ու Շահանը: Պետական պաշտոններում հայերի թիվը հասավ 2.000-ի:

Մի շարք պատմաբանների վկայությամբ՝ հենց խալիֆայի թուլությունը էր, որ Պահլավունին իր հայրենի կալվածքներից՝ Հալեպից հյուսիս գտնվող հայաբնակ Թել-Բաշիրից և Կիլիկիայից Եգիպտոս հրավիրեց իր ազգականներին, որոնք էլ իրենց հետ բերեցին մոտ 30.000 հայ քրիստոնյաների: Վահրամը հավատարիմ և վստահելի համախոհների կարիք ուներ՝ ներքաղաքական իրավիճակը կայունացնելու և իր դիրքերն ամրապնդելու համար:

Սակայն Պահլավունու ձեռնարկած քայլերը հակառակ ազդեցություն ունեցան: Հայության թվաքանակի արագ ավելացումը և վայելած պետական հովանավորությունն առաջացրեցին ոչ միայն դժգոհություն, այլև կասկածներ հայ վազիրի նպատակների վերաբերյալ: Առաջին անգամ Եգիպտոսում սկզբնավորվեց հակահայկական մի հոսանք, որի նպատակն էր պալատական դավադրությամբ երկիրն ազատել քրիստոնյա վազիրից:

Նշենք, որ բացի ընդհանուր ոչ նպաստավոր տրամադրություններից, հակասություններ էին ձևավորվել Հաֆիզ խալիֆայի և նրա հայազգի քրիստոնյա վազիրի միջև: Մեծաթիվ հայ զինվորականների ու պաշտոնյաների առկայությունը խալիֆայի մեջ մտավախություն առաջ բերեցին՝ կապված պետության կառավարման համակարգում հայկական տարրի առավել ներգրավվման և դրանից բխող հնարավոր վտանգների հետ: Այդ պատճառով ամիրապետն օգնության կանչեց Դարբեհի նահանգապետ հայ Ռիդուան իբն Վալախչիին ու նրա միջոցով հեռացրեց Վահրամին: Վահրամը ստեղծված իրավիճակում 1137թ. փետրվարի 4-ին նախընտրեց հրաժարվել վազիրի պաշտոնից և հեռացավ Կահիրեից: Նա ստիպված էր որոշ ժամանակ ապաստան գտնել Դամասկոսի մուսակայքում, ապա հատուկ արտոնությամբ հաստատվեց Վերին Եգիպտոսի Սոհակ քաղաքի հարավ-արևմուտքում գտնվող հայկական Ճերմակ վանքում /Դեյր Ալ-Աբխալ/:

Արդեն վազիրի պաշտոնում Ռիդուանը հայերի դեմ կատաղի հալածանք սկսեց: Սակայն շուտով Հաֆիզը գիտակցեց, որ Վահրամ Պահլավունու հեռացումը բացասաբար է անդրադարձել ինչպես պետական գործերի, այնպես էլ՝

ներքաղաքական վիճակի վրա: Նա պալատից հեռացրեց ծայրահեղական տարրերին և Վահրամյան նշանակեց իր խորհրդականի պաշտոնում: Հայերի նկատմամբ հալածանքներին վերջ դնելու ակնկալիքով՝ Վահրամյան վերադարձավ պալատ: Հաֆիզ խալիֆային հաջողվեց հրահրել Ռիդուանի հակառակորդների ապստամբությունը: Սենե ու կես տարի անց՝ 1140թ. դեկտեմբերի 7-ին Վահրամ Պահլավունին մահացավ: Արաբ պատմիչների վկայությամբ՝ նրա մահվան առիթով Հաֆիզ խալիֆան, ով խորապես սգում էր Պահլավունու մահը, հրամայեց պետական հաստատությունները փակել երեք օրով:

Եգիպտացի ժամանակակից պատմաբան Մուհամմադ Համդի Մինավիի կարծիքով՝ սկսած Ազիզ խալիֆայից, երբ վազիրության ինստիտուտը ձևավորվեց մինչև Ֆաթիմյանների իշխանության անկումը, Եգիպտոսում պաշտոնավարել են 65 վազիրներ, որոնցից 55-ը՝ մուսուլման, 10-ը՝ զիմմի: Մուսուլմաններից 29-ը՝ իսմահիլական, 6-ը՝ իմամական, որոնց էին նաև հայ վազիրներ Բադր Ալ-Գամալին, Աֆդալը, Ահմադը և Թալաի իբն Ռուզբիքն ու նրա որդի Ռուզբիքը, 8-ը՝ սուննի, իսկ մնացածների դավանական պատկանելությունը հայտնի չէ: 10 զիմմիներից 7-ը քրիստոնյա էին, 3-ը՝ հրեա: Ահա այդ քրիստոնյա վազիրներից մեկն էլ Վահրամ Պահլավունին էր:

Ընդհանրապես, Ֆաթիմյան խալիֆայությունում /ինչպես նաև իսլամական այլ պետություններում/ կար վազիրության երկու տեսակ՝ տոսկ գործադիր իշխանություն ունեցող վազիր /վազիր թանֆիզ/ և լիազոր-վազիր /վազիր թաֆուիդ/, որը երկիրը կառավարում էր ինքնիշխան կերպով, որպես միահեծան տիրակալ: Միջնադարյան իսլամի պատմության մեջ Վահրամ Պահլավունին թերևս միակ քրիստոնյա լիազոր-վազիրն էր: Եթե Ֆաթիմյանները խախտել էին շարիաթի այն սկզբունքը համաձայն որի զիմմիները չէին կարող լինել հասարակության լիիրավ անդամներ, ապա Հաֆիզ խալիֆան շրջանցել էր նույնիսկ Ֆաթիմյանների օրոք սահմանված պետական կարգը:

Ատենախոսության ԵՐԿՐՈՐԴ ԳԼՈՒԽԸ՝ «ՖԱԹԻՄՅԱՆ ԽԱԼԻՖԱՅՈՒԹՅԱՆ ԱՆԿՈՒՄԸ ԵՎ ՀԱՅ ՎԱԶԻՐՆԵՐԻ ԻՆՍՏԻՏՈՒՏԻ ԱՎԱՐՏՁ», նվիրված է Թալաի իբն Ռուզբիք Ալ-Արմանին /1154-1161թթ./ և նրա որդու՝ Ռուզբիք իբն Թալաիի /Աբու Շուջաա Բադր Ադ-Դինի /1161-1162թթ./ ռազմաքաղաքական, սոցիալ-տնտեսական և մշակութային գործունեության բազմակողմանի հետազոտությանը, ինչպես նաև Ֆաթիմյան խալիֆայության անկման գործընթացի լուսաբանմանը:

Գլխի առաջին ենթաբաժնում՝ «Թալաի իբն Ռուզբիք Ալ-Արմանին /1154-1161թթ./ Ֆաթիմյան ռազմաքաղաքական և մշակութային գործիչ» ուսումնասիրվում է Թալաի իբն Ռուզբիքի վազիրության շրջանում Եգիպտոսում տեղի ունեցած զարգացումները:

Բադր Ալ-Գամալիի վազիրության շրջանից ութսուն տարի անց Ռշտունյաց աշխարհից ևս մեկ հայ, որն աչքի էր ընկել իր վարչարարական և ռազմական կարողություններով, ինչպես նաև իր բանաստեղծական տաղանդով՝ Մինիեի նահանգապետ Թալաի իբն Ռուզբիք Ալ-Արմանին, 1154թ. Ալ-Ֆայեզ խալիֆայի /1154-1160/ կողմից նշանակվեց վազիրի պաշտոնում: Թալաի իբն Ռուզբիքը Եգիպտոսում ստացել էր պալատական կրթություն, հմտացել զինվորական գործի մեջ: Այնուհետև որոշ ժամանակ զբաղեցրել էր Վերին Եգիպտոսի Մինիե նահանգի նահանգապետի պաշտոնը՝ հող նախապատրաստելով իր վազիրության համար:

Նրա նահանգապետության շրջանում երկրում կրկին սրվեց ներքաղաքական վիճակը, որն ուղեկցվում էր արտաքին ուժգնացող սպառնալիքներով: Խաչակիրներն արդեն հայտնվել էին Եգիպտոսի սահմանների մոտ: Ստեղծված պայմաններում պալատական կանայք, որոնք տեղյակ էին զարգացումներից,

օգնություն խնդրեցին իբն Ռուզբիքից: Անսալով իշխանուհիների խնդրանքին՝ նա իր զինվորներով շարժվեց դեպի Կահիրե: 1154թ. Թալաի իբն Ռուզբիքը, ով շիա իմամական էր, դարձավ Ֆայեզ խալիֆայի առաջին վազիրը:

Թալաի իբն Ռուզբիքն ուներ քաջ և վճռական ղեկավարի համբավ, նրան անվանում էին նաև Ալ-Մալիք Ալ-Մալիի /բարեպաշտ թագավոր/: Վերջինս նախ վերականգնեց երկրի ներքին խաղաղությունը, ապա վերահաստատեց քրիստոնյա փոքրամասնությունների իրավունքները: Իբն Ռուզբիքի քաջալերանքով հայ առևտրականներն ու արհեստավորներն ակտիվ մասնակցություն ունեցան երկրի արտաքին առևտրի և արհեստների զարգացման գործում: Իբն Ռուզբիքն իր դիրքերն ամրապնդելու նպատակով պաշտոնների նշանակեց իր երկու որդիներին, եղբորը, եղբորորդուն, քեռորդուն և փեսային: Նա արտաքին ճակատում անխնա պայքար ծավալեց խաչակիրների դեմ, սակայն վճռական հաղթանակներ չկարողացավ տանել: Թալաի իբն Ռուզբիքը մոտավորապես յոթ տարի վարեց վազիրի պաշտոնը: Թալաին գրեթե միանձնյա ղեկավարեց Եգիպտոսը, քանի որ նրա վազիրության շրջանում միմյանց հաջորդած Ֆայեզ և Ադիդ խալիֆաներն անչափահաս էին և հեղինակություն չունեին:

1160թ., երբ երիտասարդ տարիքում մահացավ Ալ-Ֆայեզ խալիֆան, Թալաի իբն Ռուզբիքը նրա իննամյա գարմիկին՝ Ալ-Ադիդին /1160-1171թթ./, ով Ֆաթիմյան հարստության վերջին գահակալն էր, հռչակեց խալիֆա և իր աղջկան կնության տվեց նրան՝ դրանով ամրապնդելով իր դիրքերը, սակայն հաջորդ տարում սպանվեց: Խստաբարո բնավորության պատճառով նա չկարողացավ շահել պալատականների հարգանքը: Հակասություններ առաջացան նույնիսկ նրա և փեսայի միջև: Իբն Ռուզբիքի ճնշող ազդեցությունից ազատվելու նպատակով էր, որ Ալ-Ադիդ խալիֆայի կողմից կազմակերպված դավադրության արդյունքում 1161թ. վերջինս սպանվեց:

Թալաի իբն Ռուզբիքն այն բացառիկ վազիրներից էր, ով զգալի դեր խաղաց երկրի կրթական և մշակութային կյանքում: Նրա նախաձեռնությամբ համալրվեց խալիֆայի պալատում գտնվող 40 սենյակ զբաղեցնող և 100.000 կտոր գրականություն պարունակող գրադարանը, 1005թ. իմնված «Գիտելիքների տունը» /«Դար Ալ-Ռուլում»/ վերածվեց ուսումնական հաստատության, քաջալերվեց նաև գիտական աշխատանքը: Ֆաթիմյան հարստության անկումից հետո գրքերի վերոնշյալ բացառիկ հավաքածուն աճուրդի հանվեց. մի մասը կողոպտվեց, իսկ մի մասն էլ ցրվեց: Թալաին իր պալատում ստեղծել էր գիտական մի կաճառ, որտեղ երեկոյան հավաքվում էին պալատական, պետական և մշակութային գործիչներ՝ գրական, կրոնական և գաղափարական տարբեր խնդիրներ քննարկելու նպատակով: Իբն Ռուզբիքն ինքն էլ օժտված էր բանաստեղծական տաղանդով: Նրա գրչին է պատկանում բանաստեղծությունների երկհատոր «Դիվանը», որը մեզ չի հասել: Բարեբախտաբար, իբն Ռուզբիքի բանաստեղծություններից հատվածներ է արտագրել Իբն Խալիբան իր «Անհետացած երևելիներ» գրքում: Ռուզբիքի գրչին է պատկանում «Համառներին պատասխանելու հեմարան» կրոնական գիրքը, որի շուրջ մեջ քննարկումներ կազմակերպեց իսլամական տեսաբանների հետ: Այն ներառում է գրույցներ Ալի իբն Աբու Տալիբի իմամության և դրա մասին գրի առնված մարգարեական ավանդությունների մասին:

Թալաի իբն Ռուզբիքի գործունեությունը մեկ անգամ ևս փաստում է, որ հայերը միջնադարում բավական ազդեցիկ դերակատարություն են ունեցել Միջին Արևելքի երկրների քաղաքական, տնտեսական ու մշակութային զարգացումներում:

Գլխի երկրորդ ենթաբաժնում՝ «Ռուզբիք իբն Թալաի /1161-1162թթ./ Ֆաթիմյան խալիֆայության վերջին հայ վազիր: Ֆաթիմյան խալիֆայության անկումը»

վերլուծվում է Ֆաթիմյան վերջին հայ վազիր Ռուզգիբ իբն Թալաիի գործունեությունն ու Ֆաթիմյան խալիֆայության անկման գործընթացը:

Թալաի իբն Ռուզգիբ Ալ-Արմանիին հաջորդեց նրա որդին՝ Ռուզգիբ իբն Թալաին՝ Աբու Շաջաա Բադր Ադ-Դինը /1161-1162թթ./, ով ստացավ Ալ-Ադիլ /Արդարամիտ/ մականունը: Արաբ պատմիչ Թադրի Բիրդին վկայում է, որ արդարամիտ Ռուզգիբ իբն Թալաին վարչապետության պաշտոնը զբաղեցրեց 15 ամիս և վայելեց ժողովրդի սերն ու համակրանքը, քանի որ փորձում էր թեթևացնել հարկային բեռը: Ռուզգիբ իբն Թալաիի անձնական անվտանգությունն ապահովում էր հայ սպաներից և շարքային զինվորներից բաղկացած զորագունդը, որից 3000-ը հեծյալներ էին՝ արաբ զորավարի հրամանատարությամբ:

Նրա պաշտոնավարման շրջանում իրավիճակը բարդ էր ինչպես ներքին, այնպես էլ արտաքին քաղաքականության ոլորտում: Խաչակիրները նպատակ ունեին Եգիպտոսում հաստատել քրիստոնյա կառավարում: Բացի խաչակիրներից, այդ շրջանում Եգիպտոսում ցանկանում էին իրենց դիրքերն ամրապնդել նաև սելջուկները, որոնք իրենց հերթին նպատակադրվել էին հյուծել Ֆաթիմյան շիական իշխանությունն ու հաստատվել Եգիպտոսում: Սելջուկները Եգիպտոսում իրենց թուրքեն և քուրդ գործակալների միջոցով հրահրում էին բանակային ըմբոստություններ ու երկպառակություններ:

Ներքաղաքական անկայունությունը, որ պայմանավորված էր նաև արտաքին գործոնով, կործանարար եղավ վազիր Ռուզգիբ իբն Թալաիի համար, ով չկարողացավ հաղթահարել ո՛չ ներքին, ո՛չ արտաքին դժվարությունները: Նա չունեց հոր վարչարարական կարողություններն ու քաջությունը: Հակառակ հոր հորդորներին՝ Ռուզգիբն անխոհեմաբար պաշտոնանկ արեց քուրդ էմիր Շավարին, ով զբաղեցնում էր Կուսի մահանգապետի պաշտոնը: Վերջինս բավական ազդեցիկ գործիչ էր և զգալի զինված ուժեր իր տրամադրության տակ: Իր պաշտոնաթողության լուրս իմանալով՝ Շավարը զինված ուժերով շարժվեց Կահիրեի ուղղությամբ: Այդ մասին տեղեկանալով՝ Ռուզգիբ իբն Թալաին փախուստի դիմեց, սակայն շուտով հայտնաբերվեց և բանտարկվեց, ապա Շավարի հրահանգով 1163թ. գլխատվեց: Իբն Թալաիի գահընկեցությամբ ավարտվեց հայագի Ռուզգիբ ընտանիքի շուրջ իննամյա կառավարումը Եգիպտոսում, ինչպես նաև վերջ դրվեց 1074-1162թթ. ձգվող Ֆաթիմյան խալիֆայության «հայկական շրջանին»:

1162թ. էմիր Շավարը ստանձնեց վազիրի պաշտոնը, սակայն չկարողացավ կայունացնել ո՛չ ներքին, ո՛չ արտաքին քաղաքական իրավիճակը: Հազիվ ինն ամիս պաշտոնավարելուց հետո Շավարը 1163թ. պաշտոնանկ արվեց, վտարվեց երկրից և ստիպված էր օժանդակություն խնդրել Հալեպի և Մոսուլի տիրակալ աթաբեկ Նուր Ադ-Դին Ջանգիից՝ խոստանալով նրան գումար և հողատարածքներ: Հոր օրինակին հետևելով և խաչակիրների հետ շարունակական պատերազմի մեջ գտնվող Նուր Ադ-Դինը, հաշվի առնելով խաչակիրների, մասնավորապես՝ Երուսաղեմի տիրակալ ֆրանկ Ամալրիկ Ա. թագավորի՝ այլևս թուլացած Եգիպտոսը գրավելու մտադրությունները, ինչպես նաև նկատի ունենալով այն փաստը, որ խաչակիրներին 1164-ին ի վերջո հաջողվեց գրավել Միջերկրականի Ֆաթիմյան վերջին քաղաքը՝ Ասկալոնը, և անջրպետ ստեղծել Եգիպտոսի և Սիրիայի միջև /որպես հարմար առիթ օգտագործելով Շավարի խնդրանք/ իր հրամանատարներից քուրդ Շիրքուհին՝ տաս հազար զինվորների ուղեկցությամբ, ուղարկեց Եգիպտոս՝ նպատակ հետապնդելով վերահաստատել Շավարին իր պաշտոնում, ձախողել խաչակիրների ծրագիրը՝ ամրացնելով դիրքերը Եգիպտոսում՝ ընդդեմ Ֆաթիմյանների: 1164թ. Նուր Ադ-Դինն իր թուրքական և քրդական տարրերից կազմված զորքերն ուղարկեց Եգիպտոս: Արդյունքում, Շավարը նորից իշխանության անցավ, սակայն դրժեց Նուր

Ադ-Դինին տված խոստումը՝ դաշնակցելով Ամալրիկ Ա. հետ, ով գտնվում էր Եգիպտական ծովափնյա շրջաններում: Պայքարը Նուր Ադ-Դինի և ֆրանկների միջև ընթանում էր փոփոխական հաջողությամբ: Շիրքուհի հրամանատարությամբ Ջանգիների բանակը երեք արշավանք /1166թ., 1167թ., 1169թ./ կատարեց դեպի Եգիպտոս, որտեղ Ֆաթիմյանների իշխանությունը վերջնականորեն թուլացել էր: 1168թ., երբ խաչակիրները կրկին շարժվեցին Եգիպտոսի ուղղությամբ, Ալ-Ադիլ խալիֆան /1160-1171թթ./ անձամբ օգնություն խնդրեց Նուր Ադ-Դինից: 1169-ի սկզբին Շիրքուհին իր եղբոր որդու՝ Սալահ Ադ-Դինի հետ շարժվեց դեպի Եգիպտոս, իսկ խաչակիրները ստիպված եղան նահանջել: Փաստորեն, Նուր Ադ-Դինին հաջողվեց անմիջական վերահսկողություն հաստատել Եգիպտոսում: 1169թ. Շավարը մահապատժի ենթարկվեց, իսկ խալիֆայի կողմից վազիր նշանակվեց Ասադ Ադ-Դին Շիրքուհի: Կարճ ժամանակամիջոցում նոր վազիրն իր համախոհներին նշանակեց վարչական պետական պաշտոններում և Ֆաթիմյան բանակային ըմբոստությունները ճնշելով՝ դարձավ երկրի բացարձակ տիրակալը, սակայն շատ չանցած մահացավ: 1169թ. Սալահ Ադ-Դինին հաջողվեց շահել Ալ-Ադիլ խալիֆայի վստահությունը և դառնալ նրա վազիրը՝ երկրի կառավարումը վերցնելով իր ձեռքը: 1171-ին, Ֆաթիմյան վերջին՝ քսանամյա հիվանդ Ալ-Ադիլ խալիֆայի մահվանից հետո Սալահ Ադ-Դինը թույլ չտվեց որևէ մեկին գահ բարձրանալ: Դեռևս նախքան նրա մահանալը երկար դադարից հետո առաջին անգամ Սալահ Ադ-Դինի հրամանով Կահիրեում ուրբաթօրյա աղոթքի՝ խուտբայի ընթացքում սկսեց հիշատակվել Աբբասյան խալիֆայի՝ Ալ-Մուսթադիի /1170-1180/ անունը, ինչը նշանակում էր Եգիպտոսի վերադարձ տունիականությանը: Խալիֆայի մահվանից հետո Սալահ Ադ-Դինը վերջ դրեց Ֆաթիմյան խալիֆայության վերջին հավատարիմ ուժին՝ «հայ կտրիճների» զորագունդը՝ տապալելով Ֆաթիմյան 262-ամյա իշխանությանը:

Ատենախոսության * ԵՐՐՈՐԴ ԳՆՈՒՄԸ * «ԵԳԻՊՏԱԿԱՆ ԳԱՐԹՕՏԱՄԸ ՖԱԹԻՄՅԱՆ ԽԱԼԻՖԱՅՈՒԹՅԱՆ ՇՐՋԱՆՈՒՄ», անդրադառնում է Ֆաթիմյանների օրոք Եգիպտոսում հայերի հաստատմանը նպաստած գործոններին, Եգիպտահայ գաղթավայրի սոցիալ-քաղաքական ընդհանուր իրավիճակին, հայերի թվաքանակին և բնակության վայրերին, տնտեսության առանձին ոլորտներում հայերի ներգրավվածությանը, Հայ առաքելական եկեղեցու, մասնավորապես Գրիգոր Վկայասեր կաթողիկոսի՝ Եգիպտոսում ծավալած գործունեությանը, ինչպես նաև հայ եկեղեցիներին ու վանքերին:

Գլխի առաջին ենթաբաժինը՝ «Եգիպտահայ գաղթօջախի սոցիալական-քաղաքական ընդհանուր վիճակը Ֆաթիմյանների օրոք», քննության է առնում Ֆաթիմյանների օրոք Եգիպտոսում հայ համայնքի սոցիալական և քաղաքական վիճակը, հայերի նկատմամբ պետության, ինչպես նաև հայ վազիրների վերաբերմունքը:

Հայ-Եգիպտական հարաբերությունները սկզբնավորվել են պատմական վաղ ժամանակաշրջանում, էական նշանակություն ձեռք բերել Եգիպտոսի բյուզանդական և ապա՝ արաբական տիրապետության շրջանում: Հայերի հոսքը Եգիպտոս մեծ թափ է ստացել Ֆաթիմյանների օրոք, առավել աշխուժացել մասնավորապես հայ վազիրների կառավարման շրջանում, երբ վերջիններս արտոնել և շատ դյուրություններ են ստեղծել Եգիպտոսում իրենց հայրենակիցների հաստատման համար: Ֆաթիմյան Եգիպտոսում հայերի հաստատվելու հիմնական պատճառներից մեկը կապված էր Հայաստանում տիրող իրավիճակի հետ: Ժ-ժԱ դարերի ընթացքում հայոց պետականության կորուստը, ապա սելջուկյան ավերիչ արշավանքները, նպաստեցին, որպեսզի Հայաստանի ողջ մնացած բնակչության զգալի մասը հեռանա

հայրենիքից դեպի ապահով վայրեր: Հայերի մի մասը Եգիպտոսում հաստատվեց ապահովություն և աշխատանք գտնելու հեռանկարով: Հայերի մեկ այլ զանգված Եգիպտոս ժամանեց որպես զինվորական՝ ծառայելու հայազգի վազիրներին և արաբ խալիֆաներին: Եվ վերջապես հայերի երրորդ մասը Կիլիկիայից և այլ բնակավայրերից Եգիպտոս տարվեց որպես ռազմագերի, որոնց թիվը երբեմն հասնում էր տասնյակ հազարների: Այդ շերտերն էլ կազմեցին եգիպտահայ գաղթօջախը:

Եգիպտոսում հայ համայնքի աշխուժացմանն էապես նպաստեց հայերի նկատմամբ Բաղդ Ալ-Պամալիի և նրան հաջորդած հայազգի վազիրների խիստ բարյացկամ վերաբերմունքը: Մասնավորապես Բաղդի օրոք քրիստոնյա հայ համայնքին հատկացվեցին և նրա համար կառուցվեցին բազմաթիվ վանքեր և եկեղեցիներ: Հայազգի վազիրները հայ գաղթականներին ապահովում էին աշխատանքով, բնակության վայրով: Նրանք, որպես զինմիներ, վայելում էին պետության հովանավորությունը: Ըստ Մատթեոս Ուռհայեցու՝ 11-րդ դարի վերջին եգիպտահայ գաղթի թիվը հասել է մոտավորապես երեսուն հազարի: Կան առանձին հետազոտողներ, ովքեր նշում են, թե հայերի թիվը նշված ժամանակահատվածում 30.000-ից ավելի է եղել:

Եգիպտոսում հաստատված հայերը սոցիալական առումով բազմաշերտ էին: Նրանց մեջ կային հողագործներ, շինարարներ, արհեստավորներ, առևտրականներ և այլ մասնագիտություն ունեցող մարդիկ: Սոցիալական ամենաբարձր խավի ներկայացուցիչները հայ վազիրներն էին, ովքեր հսկայական հողային տարածքներ և այլ հարստություններ ունեին, նաև՝ վերջիններիս հավատարիմ հայ զինվորականները, ովքեր, որպես պարզև, ստանում էին հողակտորներ /իկտա/:

Եգիպտահայերի զգալի մասը կենտրոնացած էր մեծ քաղաքներում, ինչպես օրինակ՝ Կահիրեում, Ալեքսանդրիայում, Թեբեում, Իտֆիհում և այլն, որտեղ գտնվում էին հայկական գլխավոր վանքերն ու եկեղեցիները, իսկ ավաններում և գյուղերում կային միայն փոքր չափի աղոթավայրեր:

Հատկանշական է, որ հայկական տարրի ներկայությունը պետական համակարգում և հասարակության մեջ, մասնավորապես՝ Աֆդալի և Կահրամ Պահլավունու կառավարման շրջանում, երկրում ի հայտ բերեցին որոշակի հակահայկական տրամադրություններ: Արդեն Ֆաթիմյանների անկումը և Այյուբյանների դինաստիայի հաստատումը ճակատագրական եղանակով եգիպտահայերի համար, քանի որ համայնքի գոյությունը դադարեց: Ինչպես իրավամբ նշում է ժամանակակից արաբ պատմաբան Մուհամմադ Ռիֆայթ Ալ-Իմամը, եգիպտահայ համայնքը Ֆաթիմյանների օրոք ապրեց մի ծաղկուն ժամանակաշրջան:

Գլխի երկրորդ ենթաբաժնում՝ «Եգիպտոսի հայ եկեղեցիներն ու վանքերը», վերլուծության է ենթարկվում Եգիպտոսում Հայ առաքելական եկեղեցու գործունեությունը, նկարագրվում են հայկական եկեղեցիներն ու վանքերը, ուրվագծվում է հայ համայնքի անկումը:

Եգիպտոսում հայ համայնքի աշխուժացմանը և ինստիտուցիոնալացմանը էականորեն նպաստեց Բաղդ Ալ-Պամալիի աջակցությամբ Հայոց կաթողիկոս Գրիգոր Վկայասերի՝ 1070-ականների կեսերին Եգիպտոս կատարած այցելությունը: Այդ մասին արժեքավոր տեղեկություններ են հաղորդում ոչ միայն արաբ, այլև հայ պատմիչները, մասնավորապես՝ Մատթեոս Ուռհայեցին և Կիրակոս Գանձակեցին: Գրիգոր Վկայասերին Եգիպտոսում ջերմ ընդունելության է արժանացրել Մուսթանսիր խալիֆան և առաջարկել իր այթոռը փոխադրել Եգիպտոս: Խալիֆան առաջարկում է իր դռները լայնորեն բացել հայության առաջ և իր երկիրը բնակեցնել հայերով: Սակայն Գրիգոր Վկայասերը մերժում է խալիֆայի խնդրանքը՝

պատճառաբանելով, որ չի կարող իր հոտն անտեր թողնել և մնալ հեռավոր Կահիրեում, որտեղ հոտ չունի: Սակայն տեսնելով օրեցօր աճող հայ համայնքը՝ Գրիգոր Վկայասեր կաթողիկոսն իր քրոջ որդուն՝ Գրիգորիսին, ով շրջագայում էր իր հետ, 1076թ. եպիսկոպոս է ձեռնադրում: Այդպիսով, Գրիգորիսը /Ֆաթիմյան հայազգի լիազոր-վազիր Կահրամ Պահլավունու եղբայրը և Ներսես Շնորհալու հորեղբայրը/, որին աղբյուրներն անվանում են թե՛ պատրիարք, թե՛ կաթողիկոս, ընդհուպ մինչև 1117թ. եղել է եգիպտահայերի հոգևոր առաջնորդը:

Ունենալով սերտ կապեր իշխանության հետ՝ եգիպտահայերի առաջնորդը ներկայացնում էր հայ համայնքն ու նրա շահերը պետական մարմինների առաջ, կարգավորում հայերի հետ կապված քաղաքացիական խնդիրները՝ այդպիսով վարելով համայնքի թե՛ հոգևոր, թե՛ քաղաքական ղեկավարի պաշտոնը: Բաղդ Ալ-Պամալիի և նաև՝ Գրիգոր Վկայասեր կաթողիկոսի համատեղ ջանքերի շնորհիվ հայ եկեղեցին Եգիպտոսում իր ուրույն տեղը զբաղեցրեց քրիստոնյա այլ՝ ղպտի, հակոբիկ, նեստորական, մելիթիտ եկեղեցիների կողքին:

XI-XII դարերում հայերը Եգիպտոսում ունեին շուրջ երեսուն վանք, եկեղեցի և մատուռ: Հայկական եկեղեցիների մի մասը նախկինում պատկանել են ղպտիներին և հայերին են հանձնվել ծագումով հայ վազիրների շնորհիվ:

Եգիպտոսում հայ եկեղեցիների և վանքերի մասին ամենահավաստի աղբյուրը ծագումով հայ արաբ պատմիչ Աբու Սալի Ալ-Արմանիի «Եգիպտոսի եկեղեցիների ու վանքերի պատմությունը» աշխատությունն է, որտեղ հիշատակված են բազմաթիվ հայ եկեղեցիների ու վանքերի անուններ: Դրանից են՝ Ս. Հակոբ, Ս. Հովհաննես Մկրտիչ, Դեյ Ալ-Խանդակի Ս.Գևորգ, Տուրայի Ս. Գևորգ, Ս.Մինաս, Ս. Գրիգոր, Կադի Հաբիբի, Ջուհրի եկեղեցիները, Ճերմակ վանքը, Ս.Գևորգ վանքը, նաև՝ Գալուսանայի, Շինարայի, Խուսուսի եկեղեցիները և այլն: Շատ հետազոտողներ կարծում են, որ Ֆաթիմյան Եգիպտոսում գոյություն ունեցող հայկական ոչ բոլոր եկեղեցիների ու վանքերի մասին են պահպանվել տեղեկություններ:

Փաստորեն, եգիպտահայ գաղթավայրը Ֆաթիմյան խալիֆաների դրական վերաբերմունքի, նաև՝ այդ շրջանում Եգիպտոսի կառավարման համակարգում հայ վազիրների ունեցած բացառիկ դերակատարության շնորհիվ մեծ ծաղկուն ապրեց: Հայերն ազատորեն դավանում էին իրենց կրոնը, Եգիպտոսի տարբեր շրջաններում գործում էին հայկական վանքեր ու եկեղեցիներ, որոնցից շատերն ունեին իրենց վանական դպրոցները, ուր պատրաստում էին հոգևորականներ: Վերջիններս հետազայում ծառայում էին գաղթավայրի վանքերում, եկեղեցիներում և սրբատեղիներում: Վանական դպրոցներում միաժամանակ զարգանում էր հայ գրչագրությունն ու մանրանկարչությունը: Սակայն «հայկական շրջանից» և, ընդհանրապես, Ֆաթիմյան դինաստիայի անկումից հետո հայերը ենթարկվեցին հլաւածանքների, հայկական վանքերն ու եկեղեցիները փակվեցին, բռնագրավվեցին կամ էլ հանձնվեցին ղպտիներին: Ստեղծված պայմաններում Եգիպտոսի հայ համայնքի առաջնորդը 1172թ. ստիպված է լինում թողնել իր նոսրացած թեմը և հեռանալ Երուսաղեմ:

ԵՋՐԱՎԱՍՏՈՒԹՅԱՆ մեջ ամփոփված են աշխատանքի հիմնական արդյունքները: Ֆաթիմյան խալիֆայության շրջանը /909-1171թթ./ միջնադարի արաբական պատմության կարևոր փուլերից մեկն է: Այն առաջին հերթին հետաքրքիր է իսմայիլական պետության, նրա վարած ներքին և արտաքին քաղաքականության, պետական համակարգի, սոցիալ-տնտեսական հարաբերությունների և հասարակության կառուցվածքի ուսումնասիրման առումով: Մասնավորապես հայ արևելագիտության համար նշված թեման կարևոր է ոչ միայն արաբագիտական հետազոտությունների, այլև՝ հայ-արաբական, մասնավորապես՝

հայ-եզիպտական միջնադարյան հարաբերությունների ուսումնասիրման տեսանկյունից:

Ֆաթիմյան Եգիպտոսի պատմությունն անքակտելիորեն կապված է հայ տարրի և մշակույթի հետ, ինչն իրավամբ կարելի է համարել հայ-արաբական պատմամշակութային փոխառնությունների ամենախիշարժան դրսևորումներից մեկը: Ֆաթիմյան պետության գործադիր իշխանությունը շուրջ 100 տարի /1074-1162թթ./ հայ վազիրների ձեռքում էր, ինչը բացառիկ երևույթ էր միջնադարյան իսլամական պետության մեջ:

1070-ականներին Ֆաթիմյան հարստության համար ստեղծված ճգնաժամային փուլում Ալ-Մուսթանսիր խալիֆայի կողմից Եգիպտոս հրավիրված Աքքայի հայ կառավարիչ Բադր Ալ-Պամալիին /ուժ հետագայում խալիֆայի կողմից շնորհվեց գործադիր իշխանության ղեկավարի կամ վազիրի պաշտոնը/ հաջողվեց կասեցնել Ֆաթիմյան խալիֆայության կործանումը մի ամբողջ հարյուրամյակ և բարելավել երկրի սոցիալ-տնտեսական իրավիճակը, շահեկան պայմաններ ստեղծել երկրի արտաքին և ներքին առևտրի զարգացման հարցում:

Բադրի իշխանության գալուձ՝ Եգիպտոսում սկիզբ դրվեց հարյուրամյա «հայկական շրջանին»: Ինչպես Բադր Ալ-Պամալիի, այնպես էլ նրան հաջորդած հայագի վազիրների անուններին կցվեց Ալ-Արմանի մակդիրը, ինչը բնորոշում էր նրանց հայկական ծագումը: Բադրի՝ վազիր դառնալուց հետո Ֆաթիմյան խալիֆաների իշխանությունն, ընդհանուր առմամբ, սկսեց ձևական բնույթ կրել, նրանց հեղինակությունը վերականգնվեց միայն անվանապես, քանի որ այդ շրջանից ի վեր իրական իշխանությունը երկրում անցավ վազիրներին: Վազիրի ինստիտուտը Եգիպտոսում որոշակի փոփոխության ենթարկվեց՝ ձեռք բերելով նոր բաղադրիչներ: Ալ-Պամալին ստանձնեց թե՛ վարչական, թե՛ ռազմական և թե՛ քարոզչական պատասխանատվություն:

Բացի այդ, Ֆաթիմյան Եգիպտոսում առաջին անգամ վազիրներն իրավունք ստացան ունենալ իրենց սեփական, անկախ զինված կառույցները, ինչը բացարձակ իշխանության դրսևորում էր: Այդ հանգամանքը նպաստեց հայ վազիրների դիրքերի ամրապնդմանը: Վազիրների անձնական՝ հեծյալ և հետևակ զորախմբերը, մեծամասամբ, կազմված էին հայերից և հայտնի էին որպես «Ջուլուշիյա» կամ հայ կտրիճների զորախմբեր անվամբ: «Ջուլուշիյա» զինվորականները բարձր դիրք էին զրավում Եգիպտական հասարակության շրջանում և որպես պարզև ստանում էին հողակտորներ /իկտա/: Ուզմական այդ ինստիտուտը պահպանեց իր նշանակությունն ընդհուպ մինչև Ֆաթիմյան խալիֆայության անկումը:

Նշենք, որ Ֆաթիմյան Եգիպտոսի կառավարման համակարգում հայ վազիրների գործունեությունը նպաստեց եգիպտահայ գաղթավայրի կայացմանը: Վերջիններս բարենպաստ պայմաններ ստեղծեցին և մեծապես աջակցեցին, որպեսզի Հայաստանից և այլ շրջաններից արտագաղթող հայերն անվտանգ կերպով հաստատվեն Եգիպտոսում: Բադրը և նրան հաջորդած հայ վազիրները երաշխիքներ ստեղծեցին հայերի՝ որպես զինման իսլամական հասարակության մեջ ներգրավվելու համար:

Եգիպտահայ գաղթավայրը, նաև Ֆաթիմյան խալիֆաների դրական վերաբերմունքի շնորհիվ, ծաղկում ապրեց: Հայերն ազատորեն դավանում էին իրենց կրոնը, զբաղվում արվեստներով ու արհեստներով: Նրանք Եգիպտոսի տարբեր շրջաններում ունեին սեփական վանքեր ու եկեղեցիներ՝ հակառակ իսլամական այն արգելքին, որը վերաբերում էր իսլամական միջավայրում նոր եկեղեցիների շինարարությանն ու ավերվածների վերակառուցմանը: Նշենք, որ եգիպտահայերի

համար շահեկան եղավ նաև Հայ առաքելական եկեղեցու՝ Եգիպտոսում ծավալած գործունեությունը:

Հատկանշական է, որ արաբական պատմագրությունը լայնորեն արձագանքեց հայ վազիրների շուրջ հարյուրամյա կառավարմանը՝ իր համար հստակեցնելով հայ գործչի կերպարը: Միջնադարյան արաբ պատմիչների՝ մասնավորապես Ալ-Մաքրիզիի, Իբն Խալլիբանի, Կալկաշանդիի և այլոց երկերում Ֆաթիմյան շրջանի հայ պետական և ռազմաքաղաքական գործիչներին հիմնականում բարձր գնահատականներ են տրվել, ի ցույց են դրվել նրանց ռազմական և վարչական կարողությունները, որի լավագույն առիավատչյան Ֆաթիմյան պետության մեջ հայ վազիրների վայելած հարգանքն էր, նրանց շնորհված բարձր տիտղոսները՝ հաղթական իշխանների թագ, բանակների սպարապետ, իշխանության պատիվ, պետության վստահելի, պետության սուր, պետության թագ, իսլամադավանների խնամակալ, հավատացյալների առաջնորդ:

Միջնադարյան իսլամական պետական համակարգի համատեքստում առանձնակի կարևորություն է ներկայացնում Ֆաթիմյան պետության մեջ քրիստոնյա իշխան Վահրամ Պահլավունու՝ լիազոր-վազիր լինելու հանգամանքը, քանի որ «հայկական շրջանի» մյուս բոլոր վազիրները իսլամադավան էին: Իսլամական իրավունքի համաձայն՝ զինմաներին /իսլամական պետության մեջ ապրող ոչ իսլամադավաններին/ արգելվում էր զբաղեցնել պետական պաշտոններ, ինչպես նաև զենք կրել և ծառայել բանակում: Հատկանշական է, որ Վահրամ Պահլավունու վազիրության շրջանում Եգիպտոսում հայերի թիվը զգալիորեն ավելացավ՝ նպաստելով հակահայկական տրամադրությունների ուժեղացմանը: Պահլավունուն նույնիսկ մեղադրեցին Եգիպտոսում հայկական իշխանություն ստեղծելու գաղտնի մտադրություն ունենալու մեջ: Ֆաթիմյան խալիֆայությունում սկիզբ առած հակահայկական տրամադրություններն ավելի խորացան Եգիպտոսում Այյուբյան դինաստիայի հաստատմամբ: Սալահ Ադ-Ղինը ջլատեց Ֆաթիմյան խալիֆայության վերջին հավատարիմ ուժը՝ հայ կտրիճների զորախումբը: «Հայկական շրջանի» /1162թ./, ապա նաև՝ Ֆաթիմյան դինաստիայի անկումից հետո /1171թ./ հայերը սկսեցին ենթարկվել հալածանքների, հայկական վանքերն ու եկեղեցիները փակվեցին, բռնագրավվեցին կամ էլ հանձնվեցին ղպտիներին: Եգիպտոսում Ֆաթիմյան դինաստիայի անկումից հետո հայերը երկրից հիմնականում հեռացան: Նրանց մի մասն իսլամ ընդունեց կամ ձուլվեց ղպտիներին: Այդպիսով, փակվեց հայերի համար մի բեղուն դարաշրջան, որ սկսվել էր Բադր Ալ-Պամալիով և տևել մոտ մեկ դար:

Ամփոփելով աշխատանքում հետազոտվող հիմնախնդիրները՝ հանգում ենք հետևյալ եզրահանգումներին.

1. Միջնադարյան իսլամական պետության, մասնավորապես՝ Ֆաթիմյան Եգիպտոսում առաջին անգամ շուրջ հարյուր տարի հայկական տարրը կամ հայ վազիրները վճռորոշ դեր խաղացին երկրի կառավարման համակարգում՝ ինքնիշխան կերպով ղեկավարելով շիական պետությունը:
2. Ֆաթիմյան Եգիպտոսում հայ վազիրների կառավարման շրջանը լավագույն ի ցույց դրեց այն առանցքային նշանակությունը, որ ունեցել են հայերը ուսումնասիրվող շրջանում Եգիպտոսի քաղաքական, ռազմական, տնտեսական և մշակութային կյանքում:
3. Հայկական տարրի իշխանության գալուց հետո Ֆաթիմյան Եգիպտոսում վազիրի ինստիտուտն էական փոփոխություն կրեց: Եթե մինչև Բադր Ալ-Պամալին վազիրը սոսկ գործադիր իշխանություն ուներ /վազիր պ-

- թանֆիզ/ և կոչվում էր նաև «գրչի վագիր», ապա նրանից հետո վագիր հասկացությունը ձեռք բերեց այլ բովանդակություն: Վագիրները ստանձնեցին նոր գործառույթներ՝ ամբողջությամբ կրելով քաղաքական, ռազմական, վարչական և քարոզչական ոլորտների պատասխանատվությունը: Նրանք գրեթե ինքնիշխան կառավարեցին երկիրը, առանձին դեպքերում նույնիսկ միջամտելով խալիֆայի ընտրությանը, որի արդյունքում երբեմն խախտվում էր իշխանության փոխանցման ժառանգականության սկզբունքը: Փաստորեն, պետության գործադիր իշխանության կառավարումը ստանձնած վագիրները, Բադր Ալ-Պամալիից հետո, սկսեցին կոչվել լիազոր վագիրներ /վուզարա աթթաֆուդ/, սրի վագիրներ /վուզարա ա-սույուֆ/, մեծ վագիրներ /վուզարա ալ-ագամ/:
4. Ֆաթիմյանների իշխանության և հայ վագիրների ինստիտուտի երկարամյա պահպանման գործում էական դերակատարում ունեցավ նաև հայկական ռազմական տարրի առկայությունը: Պատահական չէ, որ դեռևս Բադր Ալ-Պամալիի վագիրության սկզբնական փուլում կազմավորվեց «հայ կտրիճների»՝ «Ջույուշիյա» գորամիավորումը, որն իրականացնում էր վագիրների անձնական պաշտպանությունը: «Ջույուշիյան», ըստ էության, հայ վագիրների ռազմաքաղաքական հենարանն էր և մեծապես նպաստեց հայ վագիրների քաղաքական դիրքերի ամրապնդմանը:
 5. Եգիպտոսում Ֆաթիմյանների կառավարման փուլը, իրավամբ, կարելի է համարել միջնադարում իսլամական հասարակության մեջ կրոնական հանդուրժողականության և համակեցության լավագույն օրինակներից մեկը, որի ապացույցը հայ գործիչների՝ պետական ամենաբարձր պաշտոնների ստանձնումն էր:
 6. Հայ վագիրների պաշտոնավարման շրջանում Եգիպտոսում զարկ տրվեց պետական շինարարությանը: Մասնավորապես հայկական ճարտարապետության ավանդույթները լայնորեն օգտագործվեցին շինարարական կառույցներում՝ ձևավորելով յուրահատուկ ոճ: Հայերը զգալի դեր խաղացին Եգիպտոսում արվեստների և արհեստների զարգացման գործում:
 7. Ֆաթիմյան Եգիպտոսի կառավարման համակարգում հայ վագիրների գործունեությունը նպաստեց Եգիպտոսի գաղթավայրի ընդլայնմանը: Հայերը, որպես էթնոդավանական փոքրամասնություն, իրենց ուրույն դերն ունեցան Եգիպտոսի բարգավաճման գործում:
 8. Ֆաթիմյան հայ վագիրների ներգրավվածությունն իսլամական պետական համակարգում և հասարակական գործընթացներում նպաստեց իսլամական պատմագրության մեջ հայի կամ հայ պետական գործչի կերպարի ձևավորմանը: Արաբական պատմագրությունը բարձր է գնահատել Ֆաթիմյան պետության կործանումը կասեցրած հայ գործիչների վաստակը, նրանց ներդրումը Ֆաթիմյան պետության ամրապնդման հարցում:
 9. «Հայկական շրջանը» ևս իր էական ազդեցությունն ունեցավ հայ պատմագրության մեջ իսլամի նկատմամբ առկա մոտեցումների ճշգրտման տեսանկյունից՝ ի ցույց դնելով կրոնական հանդուրժողականության նշանակությունը Եգիպտոսի գաղթավայրի զարգացման հարցում:

10. Ֆաթիմյան խալիֆայության շրջանը /969-1171թթ./, իրավամբ, կարելի է համարել հայ-արաբական մասնավորապես հայ-եգիպտական միջնադարյան պատմական առնչությունների ամենաբեղուն ժամանակահատվածներից մեկը:

ԱՏԵՆԱՆՈՒԹՅԱՆ ԹԵՄԱՅՈՎ ՀԵՂԻՆԱԿԻ ՀՐԱՊԱՐԱՎՈՒՄՆԵՐԸ

1. Բահրամ Ալ-Արմանիի գործունեությունը Եգիպտոսում 1135-1140թթ., Մերձավոր Արևելք, հ.V, Երևան, 2008թ., էջ 26-30:
2. Բադր Ալ-Պամալի Ալ-Արմանիի իշխանությունը Եգիպտոսում 1074-1094թթ., Մերձավոր Արևելք, հ.VI, Երևան, 2009թ., էջ 30-35:
3. Թալաի Իբն Ռուզբիք Ալ-Արմանին (1154-1161թթ.)՝ Ֆաթիմյան ռազմաքաղաքական և մշակութային գործիչ, Կանթեղ, Գիտական հոդվածների ժողովածու, Գիրք 1, Երևան, 2010թ., էջ 188-194:
4. Ֆաթիմյան Եգիպտոսի հայ գաղթավայրը Բադր Ալ-Պամալիի կառավարման շրջանում, Կանթեղ, Գիտական հոդվածների ժողովածու, Գիրք 2, Երևան, 2010թ., էջ 203-208:

АРМЯНЕ В ГОСУДАРСТВЕННОЙ СИСТЕМЕ ФАТИМИДСКОГО ЕГИПТА
(XI-XIIвв.)

Диссертация на соискание ученой степени кандидата исторических наук по специальности 07.00.02. - "Всемирная история"
Защита состоится 24 Мая 2010г. 13:00 по адресу: 375019, г. Ереван, проспект Маршала Баграмяна 24г., Институт востоковедения, НАН РА

РЕЗЮМЕ

Тема диссертации "Армяне в государственной системе фатимидского Египта (XI-XIIвв.)" посвящена изучению почти столетнему правлению армянских вазиров в фатимидском Египте (1074-1162гг.), их роли и значению в правлении страны, особенностям их деятельности, а также армянской диаспоры Египта в период властвования армянских вазиров.

Тема данной диссертации имеет как научную, так и политическую и практическую значения с точки зрения исследования истории средневекового Египта и особенно армяно-арабских многовековых отношений. Изучение периода властвования армянских вазиров в фатимидском Египте выявляет важнейшую роль армянского фактора, а также особенности воздействия армянского военно-политического и культурного традиций в контексте средневековой исламской общественности. Не случайно изучаемый данный период истории объективно считается также и самой содержательной частью истории армянской диаспоры Египта.

Данная работа по своему содержанию и рассматриваемым вопросам является первым исследованием в армянском востоковедении, где на базе широкого использования арабских источников и соответствующей литературы делается попытка многостороннего анализа всего периода столетнего властвования армянских вазиров в фатимидском Египте, особенности деятельности армянских вазиров, их роль и значение в государственной системе Египта.

Научной новизной работы является многостороннее исследование особенностей военно-политического, социально-экономического и культурного деятельности Афдаля Шахиншаха и в частности Музаффера ибн Бадр аль-Гамалея, Ахмада ибн аль-Афдаля (Абу Али Кутайфата), Яниса аль-Армани и Руззика ибн Талаи (Абу Шуджаа Бадр ад Дина).

Временные рамки диссертации охватывают исторический период второго столетия фатимидской династии в Египте (XI-XIIвв.). Данная часть включает столетний - "армянский период" (1074-1162гг.) правления вазиров в фатимидском Египте, историю армянской диаспоры Египта, а также окончательное падение фатимидской династии в 1171г.

Работа написана на основе широкого использования источников и исследований на армянском, арабском, английском, русском и французском языках. Исследованию темы способствовали ценные научные работы, статьи и монографии как армянских так и зарубежных авторов.

Диссертация состоит из введения, трех глав (каждая из которых содержит разделы), заключения и списка использованных источников и литературы.

Во введении обосновывается актуальность и важность темы диссертации, формулируются цели и задачи исследования, теоретическое и практическое значение, а также ее научная новизна, дается краткий обзор использованных источников и литературы, разъясняются методологические основы работы.

В первой главе диссертации ("Установление института армянских вазиров в фатимидском Египте (1074-1135гг.)") рассматривается процесс установления фатимидского халифата в Египте, деятельность фатимидского первого армянского вазира Бадр аль-Гамалея аль-Армани (1074-1135гг.) и его сына Афдаля Шахиншаха ибн Бадр аль-Гамалея аль-Армани (1094-1121гг.), вазиров Музаффера ибн Бадр аль-Гамалея, Ахмад ибн аль-Афдаля (Абу Али Кутайфата), Яниса (Оганнес) аль-Армани 112-1135гг., а также армянина христианина Ваграма Пахлавуни (Баграм аль-Армани) 1135-1137гг. в периоды их властвования в Египте.

Вторая глава диссертации ("Падение фатимидского халифата и конец института армянских вазиров") посвящена многостороннему исследованию военно-политической, социально-экономической и культурной деятельности Талаи ибн Руззика аль-Армани (1154-1161гг.) и его сына Руззика ибн Талаи (Абу Шуджаа Бадр ад Дина) (1161-1162гг.), а также научному анализу процесса падения фатимидского халифата.

Третья глава диссертации ("Армянская диаспора Египта в эпоху фатимидского халифата") освещает факторы способствующие утверждению в Египте армян, общее социально-политическое состояние египетской армянской диаспоры, численность армян и количество их местоживаний, занятости армян в разных сферах экономики, а также Армянскую апостольскую церковь, в частности деятельность католикоса Григора Вкаясера в Египте, а также вопросы касательно армянских церквей и монастырей.

В заключении сделаны основные выводы по данной работе.

Обсуждаемые в диссертации тезисы, сделанные анализы и выводы могут быть использованы в исследованиях и лекциях посвященных истории арабских стран, в частности средневековой истории Египта, а также в отдельных трудах посвященных средневековью. Тезисы диссертации могут широко использоваться также в изучениях посвященных армяно-арабским в большинстве случаев армяно-египетским отношениям, в том числе изучениям армянских колоний Среднего Востока.

Основное содержание диссертации нашло отражение в четырех опубликованных работах диссертанта.

ARSEN H. ARAKELYAN

ARMENIANS IN THE STATE SYSTEM OF FATIMID EGYPT
/XI-XII/

